

愚按宋王應麟玉海載唐濮王天壽一號濮王卽魏王泰太宗愛子以奪嫡降封無僭號改元之事不知王氏何據姑識于此

高宗天皇大聖大宏孝皇帝治太宗第九子初封晉王立爲皇太子以己酉嗣立踰年改元在位三十四年癸未崩改元十五

永徽

六

顯慶

五

龍朔

三

麟德

三以去年絳州產麟

又舍元殿前麟趾見于是改元

乾封

二以封泰山改

總章

二以將作明堂改

咸亨

四

上元

二

儀鳳

三

調露

一

永隆

一

開耀

一

永淳

一以皇孫生改

宏道

一

儀鳳三年四月詔改明年爲通乾元年十二月罷通乾

號

中宗太和大聖大昭孝皇帝顯高宗第七子初封英王名哲立爲皇太子以癸未嗣立元年甲申武后廢爲廬陵王居房州改元一

嗣聖

武后旋改文明

則天武后高宗后以甲申廢中宗立睿宗爲帝臨朝稱制又五年自稱皇帝改國號周乙巳復位于中宗僞立二十一年改元十八

文明

光宅

九月改

垂拱

四

永昌

一

載初

十一月以始用周正改

天授

二

如意

長壽

九月改

延載

證聖

天冊萬歲

一

萬歲登封

萬歲通天

一神功

聖歷

二

久視

一

大足

以成州言佛跡見改元

長安

四

通鑑太后春秋雖高善自塗澤雖左右不覺其衰以齒落更生御則天門赦天下改元通天

紀異錄曰太后既立國號周又欲立武三思爲後狄仁傑切諫后曰柰何有武氏臨朝萬萬年之謠對曰陛下改萬歲登封又改萬歲通天又改大足元年則萬萬之數足矣后大悟卽有歸中宗之意

中宗皇帝以己亥自房州還武后立爲太子乙巳復立反周爲唐庚戌爲韋后所弑改元二

神龍

二

景龍

四

殤皇帝重茂中宗少子封溫王以庚戌爲韋后所立遜于相王改元一

唐隆

愚按玉海曰或曰唐元唐興唐安蓋開元天寶之間避諱改稱者而唐會要唐大詔令皆書唐隆實則明皇踐阼之讖猶漢安樂之災興也

睿宗元真大聖大興孝皇帝旦高宗第八子封豫王嗣聖元年爲武后所立天授元年廢爲皇嗣中宗朝進封相王韋后弑逆王子臨淄王隆基誅之以庚戌迎立二年壬子傳位太子後四年崩改元三

景雲

太極

一旋改延和

延和

元宗立改爲先天

景雲元年鄭愔與張靈均謀立中宗子譙王重福謀覺伏誅
改元一

中元克復

元宗至道大聖大明孝皇帝隆基睿宗第三子初封臨淄王
舉兵討韋氏進封平王旋立爲太子以壬子受禪立乙未安
祿山反丙申幸蜀太子卽位于靈武尊爲上皇後還長安壬
寅崩在位四十四年改元三

先天一

開元

二十九

天寶

十五天寶三年
始改年爲載

嘉話錄李丞相泌謂德宗曰陛下天寶元年生嚮外言
改年之由或以宏農得寶此乃謬也陛下此年降誕故
元宗皇帝以天降至寶因改年號爲天寶也

開天傳信錄曰唐開元末于宏農古函谷關得寶符白
石赤文止識乘字識者解之曰乘者四十八所以爲聖
人御歷之數也及帝幸蜀之來歲正四十八年得寶之
時天下歌之曰得寶耶宏農耶宏農耶得寶耶得寶之
年遂改年爲天寶

愚按天寶元年春正月丁未朔改元甲寅陳王府參軍
田同秀上言元元皇帝于丹鳳門之空中告以我藏靈
符在尹喜故宅上遣使于故函谷關尹喜臺旁求得之
壬辰羣臣上表以函谷靈符潛應年號先天不違請于
尊號加天寶字史書如此其不因得寶改年明矣錄言
妄也

天寶三載春正月丙申朔改年曰載

肅宗文明武德大聖大宣孝皇帝亨元宗第三子封忠王立爲太子丙申元宗幸蜀卽位于靈武克復兩都在位七年壬寅崩改元四

至德

二元載卽天寶十五載

乾元

二自後復以載爲年

上元

寶應

一以楚州表言天賜寶王改元

上元二年制去年號但稱元年以建子月爲歲首月皆以所建爲數明年建巳月甲子改元寶應復以建寅爲正月月數皆如其舊

代宗睿文孝武皇帝豫本名俶肅宗太子初封廣平王將兵復兩京以壬寅嗣立

踰年改元

在位十七年己未崩改元三

廣德二

永泰一

大歷十四

廣德二年吐蕃入京師立邠王守禮孫承宏爲帝改元年號
無考置百官寇退放之于華州

德宗神武孝文皇帝适代宗太子以己未嗣立

踰年改元

癸亥涇

源兵亂出奔甲子還京師在位二十六年乙酉崩改元三

建中

四

興元一

貞元

二十一

愚按玉海德宗擬改元元慶復改貞元蓋合貞觀開元
之名從李泌言也

順宗至德宏道大聖大安孝皇帝誦德宗太子以乙酉正月
嗣立八月傳位太子稱上皇明年崩改元一

永貞

一
即貞元二十一年

憲宗昭文章武大聖至神孝皇帝純順宗太子以乙酉受內

禪立

明年改元

在位十五年庚子崩改元一

元和

十五

穆宗睿聖文惠孝皇帝恒憲宗第三子以庚子嗣立

明年改元

在

位四年甲辰崩改元一

長慶

四

敬宗睿武昭愍孝皇帝湛穆宗長子以甲辰嗣立

明年改元

在位

二年丙午爲宦官蘇佐明等所弑改元一

寶歷

二

文宗元聖昭獻孝皇帝昂穆宗第二子封江王丙午宦官王

守澄等立之

明年改元

十四年庚申崩改元二

大和九

開成五

武宗至道昭肅孝皇帝漚穆宗第五子封潁王庚申中尉仇

上良等迎立之

踰年改元

六年丙寅崩改元一

會昌六

宣宗元聖至明成武憲文睿智章仁神聰懿道大孝皇帝忱

憲宗第十三子封光王丙寅宦官迎立之

踰年改元

在位十三年

己卯崩改元一

大中

十三

懿宗昭聖恭惠孝皇帝漼宣宗長子封鄆王以己卯嗣立

踰年

改元在位十四年癸巳崩改元一

咸通

十四

蘇鶚杜陽雜編曰宣宗製泰邊陲曲其詞曰海岳宴咸
通及上垂拱而年號咸通焉

僖宗惠聖恭定孝皇帝儼懿宗子封晉王以癸巳嗣立

踰年改元

庚子幸蜀乙巳還長安尋奔鳳翔戊申還崩在位十五年改
元五

乾符六

廣明一

中和四

光啟三

文德一

光啟二年上幸興元朱玫立襄王煬爲帝玫誅煬奔河中爲
王重榮所殺改元一

建貞

唐無名氏玉泉子貞錄廣明年號識者以爲黃巢日月

明年兩京沒焉

昭宗聖穆景文孝皇帝睦懿宗第七子封壽王以戊申嗣立
踰年改元庚申爲宦官劉季述等所幽立太子裕辛酉反正宦官
韓全誨等劫幸鳳翔癸亥還京甲子遷洛陽爲朱全忠所弑
在位十六年改元七

龍紀

一

大順

二

景福

二

乾寧

四

光化

三

天復

三

天祐

一

大唐雜記曰唐昭宗文德二年正月朔御武德殿有紫
氣出于昭德殿東隅鬱鬱如煙令大內留司尋其所
出得金龍子一枚長五寸許羣臣稱賀帝曰朕不以金
龍爲祥瑞而以偃息干戈爲祥瑞卿等各宜盡忠以體

朕懷門下奏請改文德二年爲龍紀元年

昭宣光烈孝皇帝祝昭宗第九子封輝王以甲子立四年丁卯爲朱全忠所篡明年被弑不改元但稱天祐年

右唐二十帝共二百九十年

附考

高祖武德六年雋州人王摩沙自稱元帥尋討平之僞元一
進通

元宗天寶十五載安祿山陷東京自稱大燕皇帝明年爲子
慶緒所殺僞元一

聖武

肅宗至德二載安慶緒弑祿山自立後走鄴郡爲史思明所

殺僞元二

載初一

天成

通鑑考異曰唐歷曰改元天和薊門紀亂曰改元至成
與實錄年號不同紀年通譜兩存之今從實錄

肅宗乾元二年史思明稱大聖燕王尋稱帝改元上元二年
復改元爲子朝義所弑凡僞元二

順天

應天

宋沈括夢溪筆談曰熙寧中得大錢三十餘千文皆順
天得壹當時在廷皆疑古無得壹年號莫知何代物予
按唐書史思明僭號鑄順天得壹錢順天乃其僞年號
得壹特以名鑄錢耳非年號也

肅宗上元二年史朝義弑思明自立代宗廣德元年兵敗自縊死僞元一

顯聖

肅宗上元二年梓州刺史段子璋反據綿州自稱梁王岡川兵擊斬之僞元一

黃龍

肅宗寶應元年浙東賊袁晁反于台州以建丑爲正月盡陷信州溫州明州諸郡廣德元年平之僞元一

寶勝

通鑑考異曰柳璨正閏位歷宋庠紀元通譜皆改元昇國今從新書而沈氏正閏考兩存之愚謂袁晁草竊名

號旋卽執誅不應復有改元之事溫公所去是也

德宗建中四年涇源兵亂上奔奉天朱泚稱大秦皇帝于長安明年改號漢稱漢元天王兵敗西走韓旻斬之僞元二

應天

天皇

德宗興元元年淮西李希烈自稱大楚皇帝貞元二年其將陳仙竒殺之以降僞元一

武成

懿宗咸通元年浙東賊裘甫自稱天下都知兵馬觀察使王式討平之僞元一

羅平

懿宗咸通元年黃巢自稱衝天大將軍僖宗廣明元年陷長

安自稱大齊皇帝中和二年敗走四年其甥林言斬之僞元二

王霸

金統

何光遠鑑誠錄曰黃巢犯闕尙讓爲相改乾符之號爲
金統元年

昭宗乾寧二年義勝節度使董昌稱帝國號大越羅平明年
錢鏐討誅之僞元一

順天

會稽錄曰天冊一曰天聖

吳越備史曰年號或曰天冊或云天聖皆非也江東羅
諫議隱撰吳越行營露布曰羅平者啟國之名順天者
建元之始又曰門稱天國之樓以會府爲定室之地明矣
按唐高宗元年睦州女子陳碩貞反自稱文佳皇帝文

佳係僞號非名年然以一女子倡亂致盜鴻名傳之史冊與東漢之徵側徵貳明之唐賽兒胥人妖矣至元宗時安南梅叔鸞自稱黑帝肅宗時裨將康楚元稱南楚霸王亦盜名字之異者附識之

唐末諸國考

後梁

朱氏

太祖神武元聖孝皇帝晃本名溫單州碭山人棄黃巢降唐賜名全忠進封梁王以天祐四年丁卯篡位于大梁己巳遷洛陽六年壬子爲子友珪所弑改元二

開平

四

乾化

二

郢王友珪晃子以壬申弑父自立明年癸酉均王友貞討誅

之僞元一

鳳歷

均王瑱原名友貞昇子以癸酉討逆嗣立于大梁癸未唐兵入汴爲其下所殺在位十一年復稱乾化後改元二

乾化二

貞明六

龍德三

右後梁二主十七年

後唐

李氏

太祖武皇帝克用本姓朱耶其先沙陀部人賜姓李氏唐末以討黃巢功爲太原節度使封晉王朱氏篡立鄰道勸之稱帝不從以天祐五年戊辰薨

莊宗光聖神閔孝皇帝存勗太祖武帝克用長子以天祐五

年戊辰嗣晉王位仍天祐正朔癸未卽皇帝位紹唐正統自將滅梁都洛陽四年丙戌兵亂中流矢崩改元一

同光 四

天祐八年盧龍節度使燕王劉守光自稱大燕皇帝後二年晉王拔幽州執守光以歸殺之改元一

應天

明宗聖德和武欽孝皇帝亶本名嗣源代北人太祖養爲子同光三年爲鄴都亂兵所推丙戌入洛嗣位八年癸巳崩改元二

天成

四元年卽同光四年

長興

四

閔帝從厚明宗第三子封宋王以癸巳嗣位甲午潞王兵入

出奔遇弑改元一

應順一

胡三省通鑑注曰取應天順人爲義非繼體之君所以紀元也

潞王從珂本姓王氏明宗養爲子以甲午廢閔帝自立在位三年丙申石敬瑭兵逼自焚殂改元一

清泰三

右後唐四主十四年前奉天祐十七年

後晉石氏

高祖聖文章武明德孝皇帝敬瑭太原人丙申以北京留守舉兵反契丹立爲帝都大梁在位七年壬寅殂改元一

天福七

齊王重貴敬瑭從子以壬寅嗣立丙午契丹入大梁北遷後
卒于黃龍府仍稱天福二年後改元一

開運三

右後晉二主共十一年

後漢

劉氏

高祖睿文聖武昭肅孝皇帝曷本名知遠太原人契丹入中
國以丁未卽位晉陽入都于大梁二年戊申殂仍稱天福二
年後改元一

乾祐

漢紀知遠初卽位自言未忍改晉又惡開運之號乃改

稱天福十二年

五代帝紀曰嗚呼人君卽位稱元年常事爾古不以爲重也孔子未修春秋其前故已如此雖暴君昏主庸妄之史其記事先後遠近莫不以歲月一二數之乃理之自然也其謂一爲元亦未嘗有法蓋古人之語爾及後世曲學之士始謂孔子書元年爲春秋大法遂以改元爲重事自漢以後又名年以建元而正僞紛雜稱號遂多不勝其紀也五代亂世也其事無法而不合于理者多矣皆不足道也至其年號乖錯以惑後世則不可以不明初梁太祖以乾化二年遇弒明年末帝已誅友珪黜其鳳歷之號後稱乾化三年尙爲有說至漢高祖建

國黜晉出帝開運四年復稱天福十二年何哉蓋以其
愛憎之私耳方出帝時漢高祖居太原常憤憤下視晉
而晉亦陽優禮之幸而未見其隙及契丹滅晉漢未嘗
有赴難之意出帝已北遷方陽以兵聲言追之至土門
而還及其卽位改元而黜開運之號則其用心可知矣
蓋其于出帝無復君臣之義而幸禍以爲利者其素志
也可勝嘆哉夫所謂有諸中必形于外者其見于是乎
隱帝承祐高祖第三子封周王以戊申嗣立在位二年庚戌
郭威犯闕遇弑仍稱乾祐

自二年
至三年年不改元

乾祐

三

右漢二主四年

北漢

世祖神武皇帝旻本名崇高祖弟郭威篡立以辛亥卽帝位
于晉陽甲寅殂在位四年不改元仍稱乾祐

乾祐

自四年
至七年

孝和皇帝鈞本名承鈞世祖長子以乾祐七年甲寅嗣立在
位十四年戊辰殂仍稱乾祐二年後改元一

乾祐

八年
九年

天會

十二

彭城王繼元孝和帝養子戊辰孝和殂養子繼恩立供奉官
侯霸榮弒之繼元嗣立在位十一年己卯降于宋太宗仍稱
天會年後改元一

天會

自十三年
至十七年

廣運

六

考異曰劉恕云世宗實錄薛史帝紀僭偽傳皆云顯德二年十二月劉崇卒大定錄云顯德二年春閔病死紀年通譜顯德二年崇之乾祐八年冬崇死顯德三年丙辰承鈞改元天會開寶元年戊辰承鈞之天會十三年也開寶二年繼元改元廣運興國四年繼元之廣運十一年也河東劉氏有國全無紀錄惟其舊臣中書舍人直翰林院王保衡歸朝後所纂晉陽僞署見聞要錄云甲寅年春南伐敗歸夏周師攻國閔積憂勞成心病是冬卒丁巳年正月日改乾祐十年爲天會元年又云鈞丙戌年二十九承位年四十三卒右諫議大夫陽夢申奉勅撰大漢郡統進封定王劉繼顥神道碑云天會十二

年實皇帝踐阼之初年也十七年繼顓卒末題廣運元年歲次甲戌九月丙午朔今按周廣順元年辛亥閏卽帝位稱乾祐四年顯德元年甲寅閏之乾祐七年也閏卒鈞未改元顯德四年丁巳鈞改乾祐十年爲天會元年宋開寶元年戊辰鈞之十二年也鈞卒繼元立開寶七年甲戌繼元改天會十八年爲廣運元年據歷是歲九月丙午朔興國四年己卯繼元亡廣運六年也鈞以唐天成元年丙戌生至顯德元年甲寅嗣位乃二十九歲矣鈞及繼元踰年未改元蓋孟蜀二主漢隱帝周世宗之比也諸書皆傳聞相因前後相戾惟晉陽見聞錄劉繼顓碑歲月最可考證故以爲據

右漢前二主四年後三主二十八年合三十二年

後周

郭氏

太祖聖神恭肅文武孝皇帝威邢州堯山人辛亥以鄴都留守入汴自立爲帝四年甲寅殂改元二

廣順三

顯德一

世宗睿文孝武皇帝榮本姓柴氏太祖后之姪養爲子封晉王以甲寅嗣立在位五年己未殂仍稱顯德不改元

顯德

自二年至六年

恭皇帝宗訓世宗子封梁王以己未嗣立庚申禪于宋不改元後十四年殂

顯德

右後周三世共十年

蜀

王氏

附岐王李茂貞

高祖神武聖文孝德明惠皇帝建許州舞陽人唐末有兩川

封蜀王以天復七年丁卯

時唐以改元天祐爲梁所篡建仍稱天復七年

卽皇帝位

于成都戊寅殂在位十一年改元五

武成

三

永平

五

通正

一

天漢

一以改國號漢改元

光天

一是年復名蜀

順正公衍本名宗衍建少子封鄭王立爲太子以戊寅嗣立
在位七年乙酉降于唐軍遇害改元二

乾德

六

咸康

一

右前蜀二世三十五年建號十八年

始唐僖宗光啟三年
終後唐莊宗同光三年

岐秦忠敬王李茂貞本姓宋名文通深州博野人唐末賜姓名爲鳳翔節度使進封岐王唐亡建國稱制仍奉唐天祐正朔後唐同光二年改王秦薨

吳

楊氏

太祖武皇帝行密廬州合肥人唐末據有淮南進封吳王以天祐三年薨

烈祖景皇帝渥太祖子以天祐三年丙寅嗣稱宏農王戊辰張顥徐溫遣人弑之在位二年仍稱唐天祐二

自四年至五年年

高祖宣皇帝隆演景帝弟以戊辰嗣稱宏農王庚午進封吳王己卯卽吳國王位在位十一年仍稱唐天祐九年

自六年至十五年

年
改元一

武義

睿皇帝溥宣帝弟以庚辰嗣吳國王位丁亥稱帝在位十七年丁酉禪于唐爲讓皇帝明年殂改元四

順義

六

乾貞

二

太和

六

天祚

三

右吳四主四十六年建號十八年

南唐

李氏

烈祖光文肅武孝高皇帝昇本名知誥吳王恪之後生于徐州爲徐義祖溫所有仕楊氏封齊王以天祚三年丁酉受禪都金陵在位七年癸卯殂改元一

昇元

七

元宗明道宗德文宣孝皇帝璟初名景通烈祖長子封齊王以癸卯嗣立戊午改稱國主去年號奉周正朔在位十九年遷南都殂改元三

保大十五

中興

旋改交泰

交泰

元宗卽位未踰年改元太常博士韓熙載上疏曰踰年改元古之制也事不師古弗可以訓時雖可其奏而制書已行竟不能從

吳王煜初名從嘉元宗第六子封吳王以辛酉嗣立于金陵在位十三年乙亥降于宋軍遷大梁後三年殂唐祀始絕

右南唐三主三十九年

南漢

劉氏

高祖天皇大帝龔本名巖其先上蔡人聖武帝謙之子烈宗
襄帝隱之弟唐末爲清海節度使隱卒巖嗣立以丁丑歲稱
帝國號越尋改稱漢在位二十五年辛丑殂改元三

乾亨

八

白龍

三以白龍見改元

大有

十四以筮易得大有改元

五代史乾亨九年白龍見南宮三清殿改元白龍又更
名龔以應龍見之祥

殤帝玢本名宏度高祖長子封秦王以壬寅嗣立二年癸卯
爲弟晉王宏熙所弑改元一

光天

二

光天元年博羅縣妖賊張遇賢自稱中天八國王陷循州後
入南唐境敗死僞元一

永樂

中宗文武光聖明孝皇帝晟本名宏熙高祖封晉王以癸卯
弑玠自立在位十六年戊午殂改元二

應乾

乾改
乾和

乾和

十六

南越王鋹本名繼興中宗子封衛王以戊午嗣立在位十四
年辛未降于宋軍後數年殂改元一

大寶

叶

右南漢四主建號五十五年通前烈宗隱六十七年

閩

王氏

太宗昭成孝皇帝審知光州固始人唐末其兄潮引兵據福
建潮卒審知嗣立梁封閩王以後唐同光三年薨子延翰嗣

立稱閩國王爲審知養子延稟所弑立延鈞

惠宗齊肅明孝皇帝鐸本名延鈞太祖子以丙戌嗣立癸巳稱帝三年乙未爲子繼鵬所弑改元二

龍啟二

永和一

康宗聖神英濬文明廣武英道大宏孝皇帝昶本名繼鵬惠宗子封福王以乙未自立在位四年己亥爲審知少子延羲所弑改元一

通文

四

景宗睿文廣武明聖元德隆道大孝皇帝曦本名延羲太祖少子以己亥弑昶自立在位六年甲辰爲其臣朱文進所弑改元一

景宗卽位改元國人相謂曰可謂大昏元年

福恭懿王延政太祖子封富沙王以景宗永隆五年癸卯稱
帝于建州國號殷明年景宗遇弑乙巳復國曰閩尋降南唐
遷于金陵改元一

天德二

右閩六主五十五年建號十三年

後蜀

孟氏

高祖文武聖德英烈孝皇帝知祥邢州龍岡人以唐同光中
守西川長興四年封蜀主甲午稱帝殂改元一

明德

楚恭孝王昶本名仁贊高祖太子以甲午嗣立在位三十一年乙丑降于宋軍至汴殂仍稱明德三年後改元一

廣政

二十八

右後蜀二世四十一年建號三十二年

吳越

錢氏

武肅王鏐杭州臨安人以唐末有兩浙進封越王改吳王梁封吳越王唐進封國王長興三年壬辰薨凡改元四後臣于中國始削而不稱

天寶

寶大

寶正

一作保貞

廣初

通鑑考異曰閭自若唐末泛聞錄云同光四年京師亂朝命斷絕鏐遂僭大號改元保正明年唐明宗錫命至

乃去號復用唐正朔紀年通譜云鏐雖外勤貢奉而陰
爲僭竊私改年號于其國其後子孫奉中朝正朔漸革
元事及錢俶納土凡其境土有石刻僞號者悉使人交
午鑿去之惟西湖落星山塢院中有鏐封此山爲落星
寶石山僞詔刻之于石雖經鑿毀其文尙可讀後題曰
寶正六年歲在辛卯明宗長興二年也其元年卽天成
元年也好事者或傳曰保正非也余公綽閩王事迹云
同光元年梁策錢鏐爲尙父來年改寶正元年永隆三
年吳越世宗文穆王薨林仁志閩王啟運圖云同光元
年梁封浙東尙父爲吳越國王尋改元寶正長興三年
吳越武肅王崩子世皇嗣永隆二年吳越世皇崩子成

宗嗣公綽仁志所記年歲差繆然可見錢氏改元及廟號故兼載焉至今兩浙民間猶稱錢鏐爲錢太祖今參取諸書爲據愚按溫公通鑑及目錄止載寶正一號而玉海載有天寶寶大寶正廣初四號薛氏甲子會紀謂天寶改于戊辰唐天祐三年朱梁之開平二年也寶大改于甲申唐同光二年也寶正改于丙戌天成元年也廣初則不辨何歲所改舊武原志載土中得朱府君墓誌末題寶大元年歲次甲申其爲錢氏所改無疑天寶改元之歲則唐室初亡諸鎮猶稱天祐天復餘則盡稟梁朔錢氏卽夜郎自大烏得遽有年名正史無徵姑書以備採焉

文穆王元瓘鏐子以唐長興三年嗣晉天福六年薨

忠獻王宏佐元瓘子以晉天福六年嗣漢天福十二年薨

忠遜王宏侖宏佐弟以漢天福十二年嗣尋被廢

忠懿王俶本名宏俶宏侖弟以漢天福十二年嗣宋太平興國三年以其地歸宋後數年而薨

右吳越五世八十四年

楚

附

武穆王馬殷許州鄆陵人以唐末有湖南梁封楚王唐晉封楚國王長興元年薨

王希聲殷長子以長興三年薨

文昭王希範希聲弟以長興三年嗣漢天福十二年薨

王希廣希範弟以漢天福十二年嗣乾祐三年爲希萼所殺
王希萼希廣庶兄以漢乾祐三年立明年爲弟希崇所囚崇
自立其將彭師曷廖偃共立希萼爲衡山王南唐兵至希萼
希崇俱降後南唐不能守劉言王逵周行逢及子保權迭鎮
湖南至宋初歸附

右楚四世五十六年

南平

附

武信王高季興本名季昌陝州陝石人以梁初有荆南唐封
爲南平王復稱臣于吳吳封秦王唐天成三年薨

文獻王從誨季興子以唐天成三年嗣乾祐元年薨

貞懿王保融從誨子以漢乾祐元年嗣宋建隆元年薨弟保

勗立三年保勗卒保融子繼沖嗣明年降于宋

右南平五世五十七年

按楚吳越南平三鎮唯吳越嘗有三號餘俱奉中朝正朔本不錄然前史列于十國之內因附載之

宋

趙氏

太祖啟運立極英武睿文神德聖功至明大孝皇帝匡允其先涿郡人皇考宏殷始遷洛陽周顯德庚申帝以殿前都檢點白陳橋驛還兵受禪在位十七年丙子崩改元三

建隆

乾德

五

開寶

九

建隆四年十一月甲子郊祀改元乾德初太祖將改元諭宰相曰年號須擇前代未有者及蜀平蜀宮人入內

見其鏡背有識乾德四年鑄者學士竇儀對曰此必蜀物蜀主王衍曾有此號上嘆曰宰相須用讀書人由是益重儒者歐陽修歸田錄竇儀作陶穀

太宗至仁應道神功聖德文武大明廣孝皇帝炁初名光義太祖母弟丙子以晉王嗣立在位二十二年丁酉崩改元五

太平興國

八元年卽開寶九年

雍熙

四

端拱

二

淳化

五

至道

三

真宗膺符稽古神功讓德文明武定章聖元孝皇帝恒初名元侃太宗第三子丁酉以皇太子嗣立

踰年改元

在位二十五年

壬戌崩改元五

咸平

六

景德

四

大中祥符

九以天書降改元

天禧五

乾興一

仁宗體天法道極功全德神文聖武睿哲明孝皇帝禎初名受益真宗太子以壬戌嗣立踰年改元在位四十一年癸卯崩改元九

天聖九

明道二

景祐四

寶元二

康定一

慶歷八

皇祐五

至和二

嘉祐八

歐陽修歸田錄曰仁宗卽位改元天聖時章獻明肅太后臨朝稱制議者謂撰號者取天字于文爲二人以爲二人聖者悅太后爾至九年改元明道又以爲明字于文日月並也與二人旨同無何以犯契丹諱明年遽改曰景祐是時連歲天下大旱改元詔意以迎和氣也五

年因郊又改元曰寶元自景祐初慕唐元宗羣臣以開元加尊號遂請加景祐于尊號之上至寶元亦是歲趙元昊以河西叛改姓元氏朝廷惡之遽改元曰康定而不復加于尊號而好事者又曰康定乃謚耳明年又改曰慶歷至九年大旱河北尤甚民死者十八九于是又改元曰皇祐猶景祐也六年日蝕四月朔以爲正陽之月自古所忌又改元曰至和三年仁宗不豫久之康復又改元曰嘉祐自天聖至此凡年號九皆有謂也又曰國朝百有餘年年號無過九年者開寶九年改爲太平興國太平興國九年改爲雍熙大中祥符九年改爲天禧慶歷九年改爲皇祐嘉祐九年改爲治平惟天

聖盡九年而十年改爲明道

英宗體乾膺歷隆功盛德文肅武睿聖宣孝皇帝曙本名宗
實濮安懿王允讓子仁宗立爲皇子以癸卯嗣立踰年在位
四年丁未崩改元一

治平四

神宗紹天法古運德建功英文烈武欽仁聖孝皇帝頊英宗
太子以丁未嗣立踰年在位十八年乙丑崩改元二

熙寧十

元豐八

葉夢得石林燕語曰熙寧末年旱詔議改元執政初議
美成神宗曰不可成字于文一人負戈又議豐亨復曰
不可爲子不成惟豐字可用改元豐

哲宗體元繼道顯德定功欽文睿武齊聖昭孝皇帝煦初名

傭神宗太子以乙丑嗣立

踰年改元

在位十五年庚辰崩改元三

元祐

八

紹聖

四

元符

三

徽宗體仁合道駿烈遜功聖文神德憲慈顯孝皇帝佶神宗

第十一子封端王以庚辰嗣立

踰年改元

在位二十五年傳位太

子丁未金人執以北去高宗立遙爲太上皇後九年乙卯崩

于五國城

建中靖國

一

崇寧

五

大觀

四

政和

七

重和

一

宣和

七

宋史王覲傳徽宗卽位改元詔下覲言建中之名雖取

皇極然重襲前代紀號非是宜以德宗爲戒

陸游老學菴筆記政和末議改元王黼擬用重和既下
詔矣范至齋白上曰此契丹號也故未幾復改宣和然
宣和乃契丹宮殿名猶中朝之宣德門也年名則實曰
重熙建中靖國後金避天祚嫌名追謂重熙曰重和耳
不避可也

袁氏楓窗小牘道君皇帝改元宣和人或離合其字曰
一旦宋亡此與蕭歸離合後周宣政爲宇文亡日同

欽宗恭文順德仁孝皇帝桓徽宗太子以乙巳受禪立

明年改元

在位二年金人陷中原丁未北遷高宗立遙尊爲淵聖皇帝
後二十四年庚辰崩于金改元一

靖康

二帝北狩康王在齊州汪伯彥引天命人心爲請謂靖
康紀元爲十一月立康之兆帝曰當更思之

高宗受命中興全功至德聖神武文昭仁憲孝皇帝構徽宗
第九子封康王丁未二帝北狩嗣位于南京後南渡建都臨
安在位三十六年壬午傳位太子又二十六年丁未崩改元
二

建炎

四年
靖康二年
元年即

紹興

三十二

元懿太子尊高宗子以建炎三年三月爲統制官苗傅劉正
彥所立尊高宗爲太上皇後四月復位卒改元一

明受

孝宗紹統同道冠德昭功哲文神武明聖成孝皇帝脊初名

瑗太祖子秦王德芳之後高宗以爲子初封建安郡王立爲太子以壬午受禪立明年改元在位二十七年己酉傳位太子後五年崩改元三

隆興二

乾道九

淳熙十六

孝宗內禪擬于傳位日降敕汪應辰言唐太宗受禪于高祖明年正月始改元乃從其說又議改元重熙應辰謂契丹嘗以紀年遂改隆興

宋鄱陽張世南游宦記聞曰改元始于共和紀號倡于漢武後世遵用之我宋年號無過九年者惟天聖盡九年十二月改明道熙寧亦盡十年紹興乃三十二年淳熙亦十六年

李心傳建炎以來朝野雜記曰乾道癸巳歲冬至日上
祀南郊肆赦改明年元爲純熙後六日甲辰中書門下
省言若合淳化雍熙言之當用淳熙字庶幾仰體主上
取法祖宗之意從之

光宗循道憲仁明功茂德溫文順武聖哲慈孝皇帝惇孝宗
第三子立爲太子以己酉受禪立明年改元在位五年甲寅皇太
后命嘉王擴卽位尊帝爲上皇後六年崩改元一

紹熙五

寧宗法天備道純德茂功仁文哲武聖睿恭孝皇帝擴光宗
第二子甲寅以太皇太后吳氏命嗣立明年改元在位三十年甲
申崩改元四

慶元六

嘉泰四

開禧三

嘉定十七

李心傳建炎以來朝野雜記曰高宗卽位改元建炎以火德中微故也苗劉之亂以爲炎字乃兩火故多盜明年還自海上改五年爲紹興久之旣與金議和遂不復改三十二年孝宗卽位踰年改隆興其說以爲務隆紹興之政及學士草制則合建隆紹興之義非初意矣二年王瞻叔爲參知政事言趙諗謀逆欲以隆興紀元會太常寺丞曾逮檢事實以進上愕然明年正月郊改元乾道乾道盡九年時以爲乾元用九之數已極乃改爲純熙又易純爲淳言欲致淳化雍熙之美也十六年光宗卽位將紹淳熙之政遂以紹熙紀元猶隆興意爾學

士草制則又合紹興淳熙爲義亦非初意也五年上繼
統趙子直爲相銳意慶歷元祐故事乃改慶元慶元盡
六年而上皇及太后繼崩中官去世二皇子不育朝廷
嫌之因改明年爲嘉泰云

趙彥衛雲麓漫抄曰名年始于漢武往往皆寓美意或
紀一時盛事唐德宗時思繼先烈改元貞元蓋欲法貞
觀開元也本朝改隆興欲法建隆紹興之義或云趙諗
曾用之改明道又改純熙詩曰時純熙矣有言純旁作
屯不宜用復改淳熙取淳化雍熙紹熙則法紹興淳熙
慶元法慶歷元祐開禧則取開寶天禧也

岳珂愧鄉錄曰昔唐德宗以貞觀開元之盛慨想前烈

改元貞元庶幾二祖本朝因之如近世隆興之用建隆
紹興淳熙之用淳化熙寧紹熙之用紹興淳熙慶元之
用慶歷元祐開禧之用開寶天禧皆是也珂按呂陶淨
德集記曰元祐之政謂元豐之法不便卽復嘉祐之法
以救之然不可盡變大率新舊二法並用貴其便于思
也議者乃云對鈞行法朝士善詭乃云豈獨法令爲然
至于年號亦得對鈞矣然詼詭之談亦有理珂謂人君
法祖存古之意最爲盛德陶言近肆不可以訓又按光
宗升祔循故事將建閣以藏宸章侍從集議欲以大謨
名當國者以爲不馴又欲名天疇疑近天章且天章不
入銜矣乃改寶謨珂謂寶文乃仁祖閣名如陶之言亦

對鉤也方顯謨建閣告國論尙紹述哲宗慕丕承之烈
以見善繼若寶謨則直以禹之書首于三謨而言之歷
代寶之以爲大訓本專指墳典此蓋惟取茲藏之義云
理宗建道備德大功復興烈文仁武聖明安孝皇帝昀初名
貴誠太祖子魏王德昭之後沂靖惠王子甲申史彌遠廢皇
子濟王竑奉帝嗣立踰年改元在位四十年甲子崩改元八

寶慶

三

紹定

六

端平

三

嘉熙

四

淳祐

十二

寶祐

六

開慶

一

景定

五

王應麟玉海年號頌曰天祐下民藝祖立極繇三而五
建隆乾德開寶之九享國十七太宗之元改爲興國八
而改之雍熙乃復四而更之端拱乃續麟正二書淳化

是易鳳紀五盼至道是革至三而終二十二訖章聖繼
圖咸平凡六景德祥符四九其別天禧乾興五一其畢
二紀仍期仁皇嗣服天聖明道九二先及景祐寶元康
定慶厯皇祐至和嘉祐之日曰四而二曰一而八曰五
而二曰八而足四十一年政事修飭英皇治平四載善
述神考之興聿新制作熙寧十更元豐八閱哲宗紹休
元祐凡八紹聖元符四三其列十有五禩徽皇靖國崇
觀政重宣和岌岌總其歷年五加二十靖康屯難高宗
正域建炎紹興再立宗祏四與三二紀凡三歷孝廟隆
興乾道相襲二九之餘淳熙十六二十七春乾清坤謐
光宗五稔紹熙駿烈寧考慶元六更歲律泰禧四三嘉

定十七三十年間不遑暇逸晉王承統光增燕翼寶慶
三改紹定六易端平嘉熙歷載凡七淳祐十二寶祐歲
六開慶一禩景定更瑟

度宗端文明武景孝皇帝禩獻福王子理宗立爲太子以甲
子嗣立

踰年
改元

在位十年甲戌崩改元一

咸淳

十

少帝昀度宗子封建國公以甲戌嗣立二年

踰年
改元

丙子元人

入臨安帝北遷降封瀛國公端宗立遙尊恭孝懿聖皇帝後
殂于元改元一

德祐

二

端宗裕文昭武愍孝皇帝昀少帝兄封益王以德祐二年丙

子奔閩卽位于福州三年戊寅浮海至碭州崩改元一

景炎三

元年卽德祐二年

衛王昺少帝弟戊寅羣臣立之于碭州

卽改元

遷厓山二年己

卯張宏範兵逼丞相陸秀夫負帝赴海崩國亡改元一

祥興二

右宋自太祖至欽宗九帝一百六十六年南渡九帝一

百五十二年共三百十八年

始庚申終己卯

附考

太宗淳化五年蜀賊李順僭號于成都改姓孟國號大蜀內臣王繼恩等討平之僞元一

應運

真宗咸平三年益州戍卒王均作亂僭稱大蜀雷有終率兵平之僞元一

化順

仁宗慶歷七年貝州卒王則據州反自稱東平王國號安陽明年文彥博明鎬討平之僞元一

得聖

仁宗皇祐元年廣源州蠻儂智高自稱南天國四年陷邕州僭號仁惠皇帝狄青擊敗之走死改元四

大歷

端懿

景瑞

啟歷

按智高改元見子宋史者景瑞啟歷也前一號沈氏正閏考書之未知何據

徽宗崇寧元年前國子博士趙諗反伏誅僞元一

隆興

徽宗宣和二年睦州民方臘作亂自稱聖公陷浙東西六州明年童貫討平之僞元一

永樂

高宗建炎四年鼎州民鍾相作亂自稱楚王孔彥舟執送行在誅之僞元一

天載

高宗建炎四年金人立劉豫爲大齊皇帝以中原地歸之都汴改明年爲元年在位七年爲金人所廢以蜀王徙臨潢府改封曹死僞元一

阜昌

高宗紹興三年鍾相少子臣楊么自稱大聖天王後岳飛討平之僞元一

庚戌

陳萬僞元一

天戰

李婆備僞元一

太平

僧王法師思僞元一

羅平

李子楊僞元一

龍興

李接僞元一

羅平

廖森僞元一

重德

李合我僞元一

正法

雷進僞元二

正法

人知

愚按陳萬以下數號俱見玉海蓋盜賊之妄竊者而正史不書失其年次雜載于此

遼 耶律氏

太祖大聖大明神烈天皇帝億小字阿保機其先契丹部酋
長以唐天祐四年丁卯稱帝十年建元在位二十年丙戌殂
于扶餘府改元三

神冊

六

天贊

四

天顯

愚按遼史太祖記二月改元天顯七月上崩而通鑑云
契丹改元天顯葬其主阿保機于木葉山五代史德光
立三年改元天顯俱傳聞之誤今從遼史

義宗文獻欽義皇帝倍小字突欲太祖太子天顯元年太祖
命守東丹國號人皇王稱制行事明年太宗卽位庚寅浮海
通唐後爲潞王所殺世宗立追上諡號在東丹時改元一

甘露

太宗孝武惠文皇帝德光太祖次子以天顯元年丙戌嗣立
丙申立石敬瑭爲晉丁未滅晉入大梁改國號曰大遼還殂于
樂城在位二十二年仍稱天顯十二年自二十一年至二十三年後改元二

會同

九

大同

一世宗立
改天祿

遼史太宗紀天顯元年十月壬戌卽皇帝位有司請改
元不許

世宗孝和莊憲皇帝阮小字兀欲義宗長子以大同元年丁
未卽位于恒州引兵還國五年辛亥爲泰寧王察割所殺改
元一

天祿

五

穆宗孝安敬正皇帝璟小字述律太宗子以天祿五年辛亥

嗣位

元即改

十九年己巳爲庖人辛古等所弑改元一

應歷十九

景宗孝成康靖皇帝賢世宗第二子以應歷十九年己巳嗣

立

元即改

在位十四年壬午殂改元二

保寧十

乾亨四

聖宗文武大孝宣皇帝隆緒景宗長子封梁王以乾亨四年壬

午嗣立

元即改

復國號曰大契丹在位四十九年辛未殂改元三

統和二十九開泰九

太平十一

興宗神聖孝章皇帝宗眞聖宗子以太平十一年辛未嗣立

元即改

在位二十四年乙未殂改元一

重熙

二十四趙至忠虜廷雜記宗真立改元景福一年又改重熙

道宗仁聖大孝文皇帝洪基興宗子以重熙二十四年乙未嗣立辛巳殂在位四十七年復國號遼改元五

清寧

十元年卽重熙二十四年

咸雍

十

大康

十

大安

十

壽隆

七

東都事略載有壽昌而范成大攬轡錄又稱盛昌六年又玉海載遼國有順天應順二號俱不詳世次蓋南北分隔或語音轉譌或傳寫錯謬茲按遼史悉正之

天祚皇帝延禧道宗太孫順宗濬之子以壽隆七年辛巳嗣立在位二十五年乙巳爲金人所執降封海濱王進豫王殂改元三

乾統

十元年卽
壽隆七年

天慶七

保大五

宣宗孝章皇帝淳興宗孫累封秦晉國王保大二年壬寅天祚入夾山耶律大石立之于南京尋卒改元一

建福

蕭德妃宣宗淳之后淳卒稱制金兵至奔于天祚被殺改元

德興

卽建福
元年

梁王雅里天祚帝第二子以保大三年癸卯耶律敵烈等劫之北奔立以爲帝後獵查刺山一日射黃羊四十狼二十一
致疾卒耶律木烈繼之爲其下所殺改元一

神歷

右遼九世共二百十年

西遼德宗皇帝大石太祖八代孫登天慶五年進士累官翰林世號大石林牙以保大二年率騎宵遁甲辰歲二月五日甲午卽位于起兒漫後建都虎思斡耳朵在位二十三年丙辰殂改元二

延慶

三

康國

十

感天皇后塔不煙德宗蕭后丙辰臨朝稱制七年壬戌殂改元一

咸清

七

仁宗皇帝夷列德宗子以壬戌嗣立在位十三年甲戌殂改元一

紹興十三

承天太后普速完仁宗妹仁宗殂遺詔權國事稱制後與駙馬之弟通出駙馬爲東平王殺之十五年戊子爲幹里刺所殺改元一

崇福

十五正閏考又有重德一號

末主真古魯仁宗次子以戊子嗣立在位三十四年辛酉以出獵爲乃蠻王屈出律伏兵所執尊爲太上皇朝夕問起居真古魯殂遼祀乃絕改元一

天禧

三十四

右西遼三主二后建號絕漠之外七十八年

起甲辰訖辛酉

附考

聖宗太平九年東京舍利軍詳穩大延琳僭國號曰興遼明年討擒之僞元一

天慶

天祚天慶六年裨將渤海高永昌據遼陽僭號尋爲金人所殺僞元一

隆基

天祚保大三年奚王回鹘保僭號後爲衆所殺僞元一

天復

天祚保大三年都統蕭幹自立于奚王府號神聖皇帝國號大奚郭藥師破之爲其下所殺僞元一

天嗣

金完顏氏

太祖應乾興運昭德定功睿神章孝仁明大聖武元皇帝旻
本名阿骨打女真部人以遼天慶五年乙未稱帝癸卯入燕
京還殂于部堵樂在位九年改元二

收國二

天輔七

太宗體元應運世德昭功倍哲惠仁聖文烈皇帝晟本名吳
乞買太祖弟以天輔七年癸卯嗣立在位十三年乙卯殂改
元一

天會

十三年即
天輔七年

熙宗宏基續武莊靖孝成皇帝亶太祖孫以天會十三年乙
卯嗣立在位十四年己巳爲平章政事完顏亮所弑仍稱天

會二年

自十四年至十五年

後改元二

天眷

三

皇統

九

海陵煬王亮太祖孫以皇統九年己巳弑主自立辛巳伐宋爲其下所殺世宗追廢之在位十三年改元三

天德

四元年卽皇統九年

貞元

三

正隆

六

世宗光天興運文德武功聖明仁孝皇帝雍本名烏祿太祖孫以正隆六年辛巳卽位于東京海陵被弑入燕在位二十九年己酉殂改元一

大定

二十九元年卽正隆六年

金史海陵在揚州聞改元大定拊髀嘆曰朕本欲平江南改元大定此非天乎因出其素所書取一戎衣天下

大定改元事以視羣臣宋李心傳朝野雜記曰時光
守強守諒者言金主已死胡鵬嗣立改元新德大臣信
之卒已春虞并甫賀正旦還言金酋不死已授甲造舟
必爲南寇之計

章宗憲天光運仁文義武神聖英孝皇帝璟世宗嫡孫以大
定二十九年己酉嗣立踰年改元在位十九年戊辰殂改元三

明昌

六

承安

五

泰和

八

衛紹王允濟世宗子以戊辰嗣立踰年改元在位五年癸酉值元
兵入寇爲胡沙虎所弑改元三

大安

三

崇慶

一

至寧

一

金史衛紹王初卽位改元大安四年改曰崇慶旣又曰

至寧有人語曰三年大崇至矣大崇者大蟲也俄而有胡沙虎之變

宣宗繼天興統述道勤仁英武聖孝皇帝珣章宗庶兄以至寧元年癸酉嗣立二年遷汴在位十一年癸未殂改元三

貞祐

四元年
卽至寧

興定

五

元光

二

南遷錄云世宗改元興慶濰王改元天統章宗改元天定考之金史其世系傳次無一是者蓋南人僞爲此書以攄靖康之憤而實非金源氏之實錄不足存也

哀宗皇帝守緒宣宗太子以元光二年癸未嗣立

踰年
改元

癸巳

自汴奔蔡至明年正月爲宋元兵所圍傳位于宗室承麟自縊而殂末帝亦爲亂兵所殺凡在位十一年改元三

正大

開興

四月卽改元天興

天興

右金完顏氏九世一百二十年

附考

熙宗皇統七年蒙古熬羅字極烈自稱太祖元明皇帝國號大蒙古遣兵討之不克因與連和改元一

天興

愚按宋孟珙蒙韃備錄蒙古非元之先世以慕蒙爲雄故以國號曰大蒙古國則天會皇統間所伐非竒渥溫氏之蒙古也附識于此

世宗大定元年契丹移刺窩幹稱帝明年討平之僞元一

天正

衛紹王至寧元年癸酉遼人耶律盈哥據遼東自立爲遼王
乙亥降于蒙古封遼王改元一

元統

耶廝不本耶律盈哥黨封郡王盈哥朝蒙古遂僭帝號于澄
州國號遼立七十餘日爲其下所殺僞元一

天威

宣宗貞祐三年益都賊楊安兒僭號登州遣兵擊殺之僞元

一

天順

宣宗貞祐三年宣撫蒲鮮萬奴據遼東稱天王國號大真明
年降于蒙古尋僭稱東夏天興二年蒙古太宗討擒之僞元

天泰

宣宗貞祐二年兗州泗水人郝定反署置百官僭稱大漢皇帝州兵討擒之僞元一

順天

宋李心傳建炎以來朝野雜記曰又有郝八者名儀以

貞祐二年春

甲戌本朝嘉定七年

據山東叛僭號大齊改元順天

金人遣花帽軍擒之磔于開封考之金史本紀及侯摯

傳有郝定無郝儀則改元順天者必定也蓋金史失記

改元而南中誤傳其名耳

宣宗貞祐三年張鯨弟致據錦州自稱漢興皇帝蒙古木華

黎遣兵平之僞元一

興隆

元史作
興龍

宣宗貞祐四年故遼人金山耶廝不本之黨自稱大遼收國王引兵侵高麗據江東城二年哥率蒙古高麗爲統古所殺自立喊舍復殺之僭號戊寅耶律盈共擊平之僞元一

天德

高麗國史
作天成

夏

李氏

景宗武烈皇帝曩霄本名元昊其先拓跋思恭唐末賜國姓鎮夏州傳思諫思恭彝昌仁福彝興克睿繼筠七世至繼捧入朝于宋族弟繼遷遂據有銀夏稱夏國王是爲太祖神武帝傳子太宗光聖德明帝薨元昊立以宋景祐元年甲戌改

元戊寅稱帝在位十五年戊子殂改元四

開運

一

廣運

二

大慶

二

天授禮法延祚

十一

先是元昊初立尚奉宋明道年號以其父德明之名乃改曰顯道稱于國中甲子會紀作改元顯道非也

宋景祐元年元昊改元開運或告以石氏後晉敗亡之號乃改廣運

毅宗昭英皇帝諒祚景宗長子小字甯令哥以戊子嗣立時方期歲在位二十年戊申殂改元五

延嗣寧國

一

天祐垂聖

三

福聖承道

四

鰲都

六

拱化

六

惠宗匡靖皇帝秉常毅宗長子以戊申嗣立在位十八年丙

寅殂改元四

乾道二

天賜禮盛國慶五

大安十

天安禮定一

崇宗聖文皇帝乾順惠宗長子以丙寅嗣立在位五十三年

己未殂改元八

宋史紹興九年夏主乾順卒

天儀治平四

天祐民安八
永安三

貞觀十三

雍寧五

元德七
正德八

大德五

仁宗聖德皇帝仁孝崇宗長子以己未嗣立在位五十四年

癸丑殂改元四

大慶

人慶五

天盛二十二
乾祐二十三

桓宗昭簡皇帝純祐仁宗長子以癸丑嗣立在位十三年丙

歷代通鑑輯覽卷一百一
寅爲鎮夷郡王安全所廢改元一

天慶

十三

襄宗敬穆皇帝安金崇宗孫越王仁友子以丙寅嗣立在位
六年辛未殂改元二

應天

四

皇建

二

神宗英文皇帝遵頊齊國忠武王彥宗子以宗室試進士及
第爲大都督府主襄宗殂以辛未嗣立在位十三年癸未自
稱太上皇傳位太子丙戌殂改元一

光定

十三

獻宗皇帝德旺神宗子以癸未嗣立在位四年丙戌元兵累
逼以憂殂改元一

乾定四

南平王睨宗室清平郡王子以丙戌嗣立明年降于元

右夏李氏九主一百九十四年

愚按玉海夏國有廣禧清平二號宋史不載唯末主爲清平郡王之子亦非年號蓋王氏傳聞之誤也

元奇渥溫氏

太祖法天啟運聖武皇帝鐵木眞蒙古部人其先世爲酋長太祖以金泰和六年丙寅卽位于幹難河十年克金中都二十二年丁亥平夏還殂少子拖雷監國

太宗英文皇帝窩濶台太祖第三子以己丑嗣立六年滅金十三年辛丑殂太宗皇后乃馬眞氏稱制丙午定宗立

定宗簡平皇帝貴由太宗長子以丙午嗣位三年戊申殂皇
后海迷失稱制

憲宗桓肅皇帝蒙哥太祖少子拖雷之子以辛亥嗣立于幹
難河九年己未伐宋殂于釣魚山

朱孟珙蒙韃備錄蒙人稱年號曰兔兒年龍兒年至去
年方改曰庚辰年今辛巳年南遷錄載與金國詔稱龍
虎九年非也

世祖聖德神功文武皇帝忽必烈憲宗母弟以己未嗣立于
燕京以至元八年改國號大元十三年入宋臨安十六年滅
宋于厓山共在位三十五年甲午殂改元二

中統四

至元三十

成宗欽明廣孝皇帝鐵木耳世祖太子真金之子以甲午嗣

立

踰年改元

在位十三年丁未殂改元二

元貞二

大德

十一

武宗仁惠宣孝皇帝海山世祖子答剌麻八剌之子封懷寧

王以丁未嗣立于上都

踰年改元

在位四年辛亥殂改元一

至大

四

仁宗聖文欽孝皇帝愛育黎拔力八達武宗弟武宗以爲太

子以辛亥嗣立

踰年改元

在位九年庚申殂改元二

皇慶

三

延祐

七

英宗睿聖文孝皇帝碩德八剌仁宗太子以庚申嗣立

踰年改元

在位三年癸亥爲鐵失所弑改元一

至治三

農田餘語前元英宗年號至治性剛好毅故被弑晉王以藩邸入踐大統識者以至治二字拆成晉王二字數或然也時改元泰定二字出道書非正道也

泰定皇帝也孫鐵木兒太子真金嫡孫晉王甘麻剌長子嗣封晉王以癸亥嗣立于龍居河踰年改元在位五年戊辰殂于上都改元二

泰定

四

致和

一

幼主阿速吉八泰定帝太子以戊辰嗣立于上都文宗遣兵陷上都不知所終改元一

天順

卽致和元年

明宗順天立道睿文智武大聖孝皇帝和世疎武宗長子封周王戊辰泰定帝殂帝弟文宗立于大都遣使迎帝以己巳卽位于河寧之北尋暴崩

文宗聖明元孝皇帝圖帖睦爾明宗弟以戊辰攝位于大都明宗立爲太子明年復卽位前後在位五年壬申殂改元二

天歷

三年卽致和元年

至順三

寧宗沖聖嗣孝皇帝懿璘質班明宗第二子封鄜王以壬申嗣位尋殂不改元

卽至順三年

順皇帝妥懽帖睦爾明宗庶長子文宗徙之子高麗移廣西靜江寧宗殂文宗后宏吉剌氏遣使迎之以癸酉嗣立戊申明兵至通州奔應昌後二年殂國人諡曰惠宗明太祖追諡

順帝共在位三十六年改元三

元統二

至元六

至正二十八

至元改元詔曰惟世祖皇帝在位長久天人協和諸福咸至祖述之志良切朕懷今特改元統仍爲至元年御史李好文言年號襲舊于古未聞不聽

昭宗皇帝愛猷識里達臘惠宗太子以庚戌嗣立于應昌明李文忠來伐遂以餘兵走和林立十一年而殂改元一

宣光十一

按蒙古自昭宗後益王脫古思帖木兒立九年爲明將藍玉所破走至也迭兒遇弒自後五傳至坤迭木兒咸未幾而弒永樂初鬼力赤立衆以非元裔弒之迎順帝

後本雅失里爲可汗本雅失里弑脫脫不花立正統十
四年其臣瓦剌王也先強盛車駕親征被留後奉上歸
至景泰四年遂弑脫脫不花自稱大元四盛可汗建元
天元尋爲部衆所弑復求元裔立之稱小王子迄今支
裔尙存而傳次無可考矣

右元十四主凡一百六十三年中混一八十九年又順
帝昭宗建號故國十三年

附考

世祖至元二十年廣州新會民林桂方趙良鈐作亂自稱羅
平國王官軍討平之僞元一

延康

一作建康

順帝至元三年廣州增城民朱光卿自稱大金國尋討平之
僞元一

赤符

按元氏平宋之後反者四起如南朝趙王之類不可殫
計而元史所載普寧縣僧陳慶安汝州棒胡閭兒稱李
老君太子袁州周子旺稱周王各立僞元而其號俱失
載不可考矣

元未諸國考

宋

宋主韓林兒潁川人以至正乙未劉福通等迎立之自稱宋
裔國號宋號小明王自亳州移都汴梁後奔安豐十二年殂

于建康改元一

龍鳳

十二

朱國楨湧幢小品載宏治間河南府得銅印三百顆俱有年號事聞下禮部上言至順至元至正俱元文宗以後年號龍鳳興定乃元末僞宋主年號愚按興定乃金宣宗紹王年名小明王建元龍鳳未嘗復改也一時禮曹諸臣鮮有博雅者遂不及致辨耳

天完

天完主徐壽輝羅田縣人以至正辛卯據蘄水後移都庚子爲其臣陳友諒弑于江州改元三

治平

七

天啟

戊戌

一

天定

己亥

一

陸深平胡記一云壽輝旣稱帝湖江浙三省多陷沒開
建臺省于蘄春然不能制其下陳友諒旣殺倪文俊遂
率兵攻金陵謀篡其位乃勒死于采石是年五月改大
義元年則天啟天定豈友諒已不用治平矣

漢

漢主陳友諒沔陽人僞天完將累封漢王以庚子殺壽輝于
采石卽皇帝位癸卯寇南昌與明太祖戰于鄱陽中流矢卒
改元一

大義

庚申外史曰陳友諒之篡位于徐貞一也僭號大漢改
元天定大義考諸書庚子歲友諒改天定二年爲大義

元年則天定大義實爲二號而葛氏誤以爲一耳又天
啓天定改于壽輝末年或疑卽友諒所改是未可知

歸德侯理友諒卒奔還武昌其將張定邊等立之明
年降于明改元一

德壽

吳

吳王張士誠泰州人以至正癸巳據高郵甲午稱誠王國號
大周改元尋降于元官太尉癸卯復稱吳王仍奉元朔丁未
明兵克蘇州至建康縊死改元一

天祐

夏

先主明玉珍隨州人爲天完將將兵破蜀聞友諒弑逆自稱隴蜀王癸卯卽皇帝位丙午殂改元一

天統

歸義侯昇玉珍太子以丙午嗣立辛亥降于明國亡改元一

開熙

明 朱氏

太祖開天行道肇紀立極大聖至神仁文義武峻德成功高皇帝 元璋濠州人元末從滁陽王郭子興起兵癸卯滅漢甲辰卽吳王位丁未稱吳元年滅吳戊申卽皇帝位于建康定都改元在位三十一年而崩

洪武

楊慎曰古者天子諸侯繼立踰年而始稱元年終一主爲一元未有一主而再稱元者也漢文帝信新垣平之言再稱後元自後武帝更十數紀元歷代皆然俗諺有亂主年年改號窮士日日更名之譏然予觀長歷云秦惠文十四年更爲元年則其謬不始於漢文矣又晉惠大安二年長沙王乂敗成都王穎改年爲永興是一歲而二號齊鬱林王改元隆昌海陵王改元延興明帝改元建武是一歲而三號史冊書法混淆俗諺云亂誠是也然則洪武之制誠度越漢唐矣

惠宗嗣天章道誠懿淵恭勤文揚武克純篤孝讓皇帝

允煊

太祖嫡孫懿文太子之子戊寅以皇太孫嗣立詔改明年元

四年壬午燕兵入帝遁去相傳于正統中還京師崩葬西山後追上諡號

建文

先是興宗孝康帝諡懿文上名允炆皇太子名文奎及改元燕王聞之曰何重複乃爾耶小子吾見其敗矣

成祖啓天宏道高明廣運聖武神功純仁至孝文皇帝棧太祖第四子封燕王都北平起兵稱靖難壬午入京詔改明年元己丑遷都北京甲辰征沙漠還崩于榆木川廟號太宗嘉靖中改上廟號

永樂

建文四年燕王入京師卽帝位命革建文年號仍稱洪

武三十二年訖三十五年神宗顯皇帝二十三年命復建文年號

王世貞國朝叢記曰今天下稱建文年爲革除年非也成祖卽位詔稱今年仍以洪武三十五年爲紀其改明年爲永樂元年蓋猶秉踰年不改元之禮不欲冒建文之號爾詔內第一款稱建文以來又慰諭臣民敕稱太祖賓天建文嗣位大封靖難功臣敕亦同又成祖諭文武羣臣敕詞建文不君蓋雖泯其尊稱實未嘗削其年號也愚按王氏之說與諸家異附記于此

仁宗敬天體道推誠至德宏文欽武章聖達孝昭皇帝

高熾

成祖皇太子以甲辰嗣立詔改明年元乙巳夏五月崩

洪熙

宣宗憲天崇道英明神聖欽文昭武寬大純孝章皇帝瞻基
仁宗太子以乙巳嗣立詔改明年元十年乙卯崩

宣德

英宗法天立道仁明誠敬昭文憲武至德廣孝睿皇帝祁鎮

宣宗太子以乙卯嗣立詔改明年元十四年己巳車駕北狩
庚午還京居南宮稱上皇

正統

十四

代宗符天建道恭仁康定隆文布武顯德崇孝景皇帝祁鈺

英宗弟封郕王己巳英宗北狩以太后命嗣立
在位八年丁丑有疾英宗復辟帝尋崩成化初追諡
康仁恭定景皇帝後

加上廟號

景泰

英宗睿皇帝以丁丑復位後八年崩改元一

天順

英宗復位羣臣請黜景泰年號上曰茲事朕不忍其仍書之

憲宗繼天凝道誠明仁敏崇文肅武宏德至孝純皇帝

見深

英宗太子以甲申嗣立詔改明年元二十三年丁未崩

成化

孝宗達天明道誠純中正聖文神武至仁大德敬皇帝

祐樞

憲宗太子以丁未嗣立詔改明年元十八年乙丑崩

宏治

武宗承天達道英肅睿哲昭德顯功宏文思孝毅皇帝

厚照

孝宗太子以乙丑嗣立詔改明年元十六年辛巳崩

正德

近峯記畧曰年號犯前代者涼張重華五代蠻張遇賢

宋方臘皆僭永樂元武宗

是泰定非武宗

太子卽位改天順夏

主李乾順僭正德正德紀元詔下馬文升試選人題曰

宰相須用讀書人論蓋用宋事譏內閣也

正德十四年寧王宸濠反于南昌擬僭大號改年順德

李士寔等勸王南京正位然後改元乃止旋爲王守任

所擒

世宗欽天履道英毅聖神宣文廣武洪仁大孝肅皇帝

厚燠

憲宗孫興獻王子嗣封興王辛巳武宗崩帝以皇太后命嗣立詔改明年元四十五年丙寅崩

嘉靖

二十四年國子司業王同祖請改元中有上還大內語上怒黜爲民

穆宗契天隆道淵懿寬仁顯文光武純德宏孝莊皇帝

載屋

世宗第二子封裕王以丙寅嗣立詔改明年元六年壬申崩隆慶

神宗範天合道哲肅敦簡光文武章安仁止孝顯皇帝

鉞鈞

穆宗太子以壬申嗣立詔改明年元四十八年庚申崩

萬曆

光宗崇天契道英睿恭純憲文景武淵仁懿孝貞皇帝常洛
神宗太子以庚申嗣立詔改明年元一月崩熹宗立復改明
年元天啓因以萬曆四十八年八月以後爲泰昌元年

泰昌

御史張潑揭曰先帝八月登極以明年爲泰昌不忘皇
祖也今上九月登極以明年爲天啓不幾忘先帝乎以
臣見謂當于卽位之始頒詔天下曰皇考年號旣頒朕
不忍以卽位遽易其仍以明年爲泰昌元年再踰年始
改爲天啓在先帝不忍忘皇祖在今上亦不忍忘先帝
斯不亦父子之孝後先一轍哉乃天啓元年之詔已頒

而泰昌改元之議方起明年天啓已難反汗今年萬歷遂無泰昌不得已而以今年八月爲泰昌以明年正月爲天啓雖于先帝不遽改元之意不甚符合然亦于不安中求其近似者行之若欲棄泰昌之號不存第曰未及改元而崩于義不忍恐臣子愛君不爲今上作此過舉也

御史黃士彥議曰先帝卽位登極之詔稱以明年爲泰昌元年實未嘗改元也今先帝晏駕踰月矣臣子乃追而改之如八月可改爲泰昌則九月應改爲天啓矣于事爲不信或以失紀泰昌年號爲慮則先帝時雖未久大位已正固九廟一代之宗也修史者自書某宗皇帝

于某年某月日卽位詔以明年爲某元年所行某事善政某日崩未及改元修史之體若此誰能隱之歷朝諸帝嗣位俱以明年改元于禮爲最得先帝之以明年改元是也而臣子乃欲于其崩後改之是以過舉遺皇上也天下萬世自有知禮者議禮諸臣誰實任過乎或以孝子尊親爲疑夫人子之心無盡而事勢偶窮亦人子之無可奈何者且于廟稱爲宗于改元亦誣其實矣若禮不宜改而改之爲過父未嘗改而改之爲誣于人子之心亦未有得也臣以爲改泰昌之號于事無所加不改泰昌之號事亦無所闕萬歷四十八年八月初一日改泰昌元年臣竊以爲非是

御史左光斗議曰泰昌之于萬歷猶天啓之于泰昌也泰昌不忍其親則存之天啓獨忍于其親則削之是陷皇上于不孝也卽不忍于祖而忍于其父亦不孝也急欲全泰昌之孝而不思所以全皇上之孝是議者之過也何也泰昌之改元以明年者亦曰億萬斯年行有待耳今已矣復何待哉生爲一世之君沒不得享一日之號仰旣不能得之父俯又不能得之子臣竊以爲非情矣嗟乎自古踰年不改元之非尤甚于不踰年改元之非今已成先帝不忍改年之是而又不貽皇上踰年不改元之非是在二三大臣主持之耳

光宗崩皇長子將卽位禮科給事中李若珪奏曰竊惟

殿下明日登極登極之詔卽定年號之日先帝登極之詔以明年爲泰昌元年臣民皆知今去登極止半日耳將以何者兩字爲元年也先帝卽位雖僅匝月而善政遍滿已足千秋豈可使年號之不存昔建文無年號至今人心不平堂堂天朝豈容又有此闕謬臣愚以爲除明年正月初一日爲殿下紀元今年自八月初一先帝登極之日以至十二月終斷宜借之先帝俱稱泰昌萬歷則斷自今年七月終止則是先帝之年號旣不虧萬歷之實數又不礙明年殿下之稱元實至便也及天啓改元詔下卒從其議

熹宗達天闡道敦教篤友章文襄武靖穆莊勤哲皇帝

由校

光宗長子以庚申嗣立詔改明年元七年丁卯崩

天啓

欽天守道敏毅敦儉宏文襄武體仁致孝莊烈愍皇帝

由檢

熹宗弟初封信王天啓七年丁卯熹宗崩無子遵遺詔卽位
詔改明年元十七年甲申三月流賊李自成陷都城帝自縊
清順治元年追加尊諡

崇禎

朱國禎湧幢小品曰國朝年號永樂乃張重華王則僞
建天順乃元出帝舊號前則兵後匆匆後則事起倉卒
不暇詳考正德則西夏李遵項所建是時劉文靖謝文
正當國故吏部馬鈞陽出題譏誚遂爲口實隆慶之號

雖不犯重然改隆慶州爲延慶衛亦如之承天有隆慶
殿改爲慶元殿因新君年號而改祖宗舊名時當國者
爲徐文貞一時亦偶未之思也今上天啓不知何如自
當與嘉靖萬歷並美並永矣愚按年號永樂者五代張
遇賢非張重華宋方臘非王則正德則夏乾順非遵頊
文肅博極載籍何未之考也至天順更同金楊安兒天
啓則魏元法僧梁永嘉王南詔晟豐祐天完徐壽輝合
哲皇而五矣文肅亦不知也

附考

英宗正統十三年浙賊陳鑑湖破松陽諸縣自號太平國王
尋降僞元一

泰定

代宗景泰四年蒙古大師瓦剌王也先自稱大元田盛可汗尋爲其部下所殺改元一

添元

憲宗成化元年河南西華人劉通卽劉千斤反于荆襄自稱漢王明年總督尚書白圭等擒獲之僞元一

德勝

武宗正德□年霸州妖人段銀逃至山東嶧縣地僭號大順尋獲誅僞元一

平定

嘉靖四十四年十二月四川白蓮教妖人田統推蔡伯貫爲

主僞號大唐攻陷合川等七城官軍討擒之凡三十六日而滅僞元一

大寶

熹宗天啓二年山東妖賊徐鴻儒作亂僭稱大乘皇帝撫臣趙彥遣兵討平之僞元一

興勝

按永樂中交趾黎季犛父子反簡定陳季擴俱嘗改元嘉靖中莫登庸復改元俱附見其國世紀中茲不更載若正統中閩賊鄧茂七稱閩王廣賊蕭黃養稱東陽王國史但曰紀元而其號莫可考矣

歷代建元考卷下終

歷代建元考外編一

外國考

柔然

郁久閭氏其先世居北荒元魏號爲蠕蠕

受羅部真可汗子成以宋大明八年魏和平五年立改元一

永康

伏古敦可汗豆嶠子成子以魏太和九年立改元一

太平

候其伏代庫者可汗那蓋以魏太和十六年立改元一

太安

佗汗可汗伏圖那蓋子以魏正始初立改元一

始平

豆羅伏跋豆代可汗醜奴伏圖子以魏永平初立改元一

建昌

朝鮮

檀君降於太白山以唐堯二十五載戊辰立都平壤徙白岳
殷高宗八祀甲子入阿斯達山爲神

後朝鮮

箕子殷宗室殷亡率衆五千人朝鮮周因封之都平壤傳至
四十代孫否稱王卒子準立爲衛滿所逼淳海居韓地金馬
郡更號韓王與辰韓并韓爲三韓後百濟王溫祚滅之凡傳
國千餘年

衛滿燕人因盧綰亂亡命渡沮水誘逐箕準據平壤仍歸朝

解至孫右渠不奉漢詔武帝遣將滅之

新羅

始祖赫居世王朴氏以漢宣帝五鳳元年甲子立都辰韓地在位六十一年薨

南解王始祖太子以漢平帝元始四年甲子立在位二十一年薨

儒理王南解王太子以漢更始二年甲申嗣立在位三十四年薨

脫解王南解王婿姓昔氏以漢世祖中元二年丁巳立在位二十四年薨

婆娑王儒理王子以漢章帝建初五年庚辰立在位三十三

年薨

祇厚王婆娑王太子以漢安帝永初六年壬子嗣立在位二十三年薨

逸聖王儒理王子以漢順帝陽嘉三年甲戌嗣立在位二十二年薨

阿達羅王逸聖王子以漢桓帝永興二年甲午嗣立在位三十一年薨

伐休王昔氏脫解王孫以漢靈帝中平元年甲子立在位十五年薨

柰解王伐休王孫以漢獻帝建安元年丙子嗣立在位三十五年薨

助賁王伐休工太子骨正之子□□□□建興五年丁未
立 在位十八年薨

沾解王助賁王弟以漢安樂公延熙三年庚申立 在位十五
年薨

味鄒王姓金氏助賁王壻以漢安樂公景耀四年辛巳立 在
位二十三年薨

儒理王昔氏以晉武帝太康五年甲辰立 在位十五年薨

基臨王助賁王孫以晉惠帝元康八年戊午立 在位十三年
薨

訖解王昔氏後以晉懷帝永嘉元年丁卯立 在位四十七年
薨

月令集解卷一
三
柰勿王金氏味鄒王弟子以晉穆帝永和十一年乙卯立
在位四十七年薨

寔聖王金氏以晉安帝元興元年壬寅立後爲訥祇王所弑
訥祇王柰勿王子在位四十二年薨

慈悲王訥祇王子以宋世祖大明二年戊戌立
在位二十三年薨

照智王慈悲王子在位十二年薨

智證王新羅謚法始此智大路照智王再從弟以齊東昏侯永元二

年庚辰立始定國號新羅前此或稱斯羅在位十五年薨

法興王原宗智證王子以梁天監十一年壬辰嗣立
在位二十

十七年薨玉以南北分裂始建年號

建元

真興王麥興法興王弟以梁高祖大同六年庚申立在位三十七年薨故元一

鴻齊

真智王金輪真興王子以陳宣帝大建八年丙申立在位四年薨

真平王伯淨真智王孫太子銅輪之子以陳宣帝大建十三年辛丑嗣立在位五十四年薨

善德女主德曼真平王女爲國人所立號聖祖皇在位十六年薨改元一

仁平

真德女主勝曼真平王從女爲國人所立在位八年薨改元

一

太和

後去年號奉唐永徽正朔

太宗武烈王春秋姓金氏真智王後以唐高宗永徽四年癸丑爲國人所立在位八年薨王與唐兵滅百濟新羅始大文武王法敏太宗太子以唐龍朔元年辛酉嗣立與唐兵滅高句麗始一三韓在位二十年薨

聖明王正明文武王太子以唐高宗永淳元年壬午嗣立在位十一年薨

孝昭王埋洪聖明王太子以唐嗣聖九年壬辰嗣立在位十年薨

聖德王隆基改名興先孝昭王弟以唐嗣聖十九年壬寅立
在位三十五年薨

按唐自嗣聖元年武后廢中宗稱制尋改國號周稱皇
帝改元十八而東史但書嗣聖正朔立義如綱目亦良
史矣

孝成王承慶聖德王太子以唐元宗開元二十六年戊寅嗣
立 在位六年薨

景德王憲英孝成王弟以唐元宗天寶二年癸未嗣立 在位
二十三年薨

惠恭王乾運景德王太子以唐代宗永泰元年乙巳嗣立後
伊飡志貞作亂上大等金氏良相以兵討之王爲亂兵所殺

宣德王良相柰勿王十世孫以舉兵討亂自立在位五年薨
元聖王敬信柰勿王十二世孫以唐德宗貞元二年丙寅爲
國人所立在位十三年薨

昭聖王俊邕元聖王孫以唐德宗貞元十五年己卯嗣立在
位二年薨

哀莊王清明改名重熙昭聖王太子以唐德宗貞元十六年
庚辰嗣立在位十年爲兵部令彥昇所弑

憲德王彥昇昭聖王弟以唐憲宗元和六年辛卯自立在位
十八年薨

興德王景徽憲德王弟立爲太子以唐文宗大和元年丁未
嗣立在位十一年薨從弟均真自立爲金明所害

僖康王悌隆元聖王孫以唐文宗開成元年丙辰爲金明等所立三年遇弒明自立爲王其國臣奉均貞之子祐徵討殺之

神武王祐徵元聖王孫均貞子以唐文宗開成四年己未立尋薨

文聖王慶膺神武王太子以唐文宗開成五年庚申嗣立即位十八年薨

憲安王誼靖文聖王弟以唐宣宗大中十一年丁丑立四年薨

景文王膺廉僖康王孫以唐懿宗咸通三年壬午立即位十四年薨

月不夜云夕
一
憲康王晟景文王太子以唐僖宗乾符三年丙申嗣立在位
十二年薨

定康王晃憲康王弟以唐僖宗光啟二年丙午立二年薨

眞聖女主曼定康王弟以唐僖宗文德元年戊申立在位十
二年薨

秦封王弓裔

通鑑作躬久

憲安王孽子以重午日生於外家長爲

僧眇一目遂聚衆反于北原都松岳郡復移鐵圓自立爲王
後十八年其將王建爲衆所推裔出走爲野人所殺

後百濟王甄萱李姓李氏尙州加恩縣人自稱甄萱叛據完
山州自立爲王後三十年爲其子神劔所幽逃歸高麗國王
建討平之

孝恭王曉憲康王庶子眞聖立爲太子以唐昭宗光化元年戊午嗣立在位十六年薨

神德王景輝朴氏阿達羅王遠孫以癸酉歲爲國人所立六年薨

景明王昇英神德王子以丁丑歲嗣立八年薨

景哀王魏膺景明王弟以後唐同光二年甲申立後甄萱襲陷王都遇弑

敬順王傳姓金氏文聖王後以後唐天成二年丁亥爲甄萱所立八年以國降于高麗王建

右新羅朴氏十王昔氏八王金氏三十七王合五十五王共九百九十二年

高句麗

始祖東明王朱蒙其母柳花河伯女爲日影所照娠而生一卵有男破卵而出名朱蒙扶餘王金蛙諸子忌之遁至卒本扶餘其王妻一女王薨朱蒙以漢元帝建昭二年甲申立自稱高辛氏之後國號高句麗因姓高王薨太子類利立琉璃明王類利始祖在東扶餘所生子後至卒本立爲太子得嗣位至王莽僞天鳳五年戊寅薨

大武神王無恤琉璃明王太子以王莽天鳳五年戊寅嗣立
在位二十年薨

閔中王解邑朱太武神王幼子以漢世祖建武二十一年乙巳立三年薨

慕本王解憂太武神王太子以漢世祖建武二十四年戊申
立 在位六年爲杜魯所弑

太祖王宮琉璃明王孫以漢世祖建武二十九年癸丑立 在位
九十二年傳位于弟遂成薨

次大王遂成太祖弟以漢質帝本初元年丙戌立後爲臨明
答夫所弑

新大王伯固次大王弟爲臨明答夫所立 在位十五年薨
故國川王男武新大王太子在位十九年薨

山上王延優故國川王弟爲故國川王于后所立

東川王優位居山上王太子以漢安樂公建興五年丁未立
在位二十二年薨

中川王然弗東川王太子以漢安樂公延熙十一年戊辰立
在位二十三年薨

西川王藥盧中川王子以晉世祖泰始六年庚寅立
在位二十三年薨

烽上王相夫西川王太子以晉惠帝元康二年壬子立爲國
相倉卒利所弑

美川王乙弗烽上王之弟子以晉惠帝永康元年庚申立
在位二十三年薨

故國原王斯由美川王太子以晉成帝咸和六年辛卯立
改名釗在位四十一年與百濟戰中流矢薨

小獸林王邱夫故國原王太子以晉太宗咸安元年辛未立

在位十五年薨

故國壤王伊連小獸林王弟以晉烈宗太元九年甲申立
在位九年薨

廣開土王談德故國壤王太子以晉烈宗太元十七年壬辰
立 在位二十二年薨

長壽王巨漣廣開土王太子以晉安帝義熙九年癸丑立
在位七十九年薨高祖冊諡爲康王

北史止稱漣自璉至元興北史無異但封爵及名字

不同耳

文啟王羅雲

北史雲

長壽王太孫以齊武帝永明元年癸亥立

在位二十九年薨

安藏王興安

北史安

文啟王太子以梁高祖天監八年己丑立

在位十三年薨

安延王寶延

北史

安藏王弟以梁天監二十年辛丑立在位

十五年薨

陽原王平成

北史

安延王太子以梁高祖天監二十一年壬

寅立在位十五年薨

平原王陽成

北史

陽原王太子以陳高祖永定三年己卯立

在位二十三年薨

嬰陽王元平原王太子以隋高祖開皇十年庚戌立在位二

十九年隋煬帝率師來伐不克

營留王建武嬰陽王異母弟以唐高祖武德元年戊寅立在

位二十五年爲其臣蓋蘇文所弑

寶藏王藏營留王之姪以唐太宗貞觀十六年壬寅立太宗親帥師來伐不克後唐高宗總章元年戊辰唐將李勣拔平壤王俘於京師高麗亡

右高句麗高氏二十八王共七百五年

百濟

與北史不同

始祖溫祚高句麗朱蒙之子朱蒙以類利爲太子溫祚恐見忌南行至河南慰禮城以漢成帝鴻嘉三年癸卯立爲王國號百濟氏扶餘徙南漢山城又徙南平壤城薨

多婁王始祖太子以漢世祖建武四年戊子嗣立在位四十年薨

己婁王多婁王太子嗣立二十五年薨

蓋婁王己婁王太子薨子肖古王立

肖古王蓋婁王子以漢桓帝延熹九年丙午立在位四十九年薨

仇首王肖古王子以漢獻帝建安十九年甲午立在位二十一年薨

古爾王仇首王弟以漢安樂公建興十一年癸丑立在位五十五年薨

責稽王古爾王子以晉世祖太康九年戊申立在位十三年爲貊兵所害

汾西王責稽王子以晉惠帝元康八年戊午立在位七年爲
口客所殺

比流王仇首王子以晉懷帝永嘉元年丁卯爲國人所立
在位四十一年薨

契王汾西王子以晉康帝建元二年甲辰立
在位三年薨
近肖古王比流王子以晉穆帝永和二年丙午立
在位三十年薨

近仇首王近肖古王子以晉烈宗寧康三年乙亥立
在位十年薨

枕流王近仇首王子以晉烈宗太元九年甲申立
在位一年薨

辰斯王枕流王弟以晉烈宗太元十年乙酉立
在位八年因獵薨于行宮

阿萃王以晉烈宗太元十八年癸巳立，在位十四年薨。

腆支王阿萃王太子以晉安帝義熙元年乙巳立，在位十六年薨。

久爾辛王腆支王子以宋高祖永初元年庚申立，在位八年薨。

毗有王久爾辛王子以宋太祖元嘉四年丁卯立，在位二十九年薨。

蓋鹵王餘慶毗有王子嗣立，後爲高句麗王巨璉所殺。

文周王蓋鹵王太子以宋蒼梧王元徽三年乙卯立，爲兵官佐平解仇所殺。

三斤王文周王太子以宋順帝昇明元年丁巳立，三年薨。

東城王牟大文周王之弟子以宋順帝昇明三年己未立爲其臣苟加所弑

武寧王餘隆東城王太子以齊和帝中興元年辛巳討賊嗣立薨子明農嗣立

聖王明農武寧王子嗣位以梁元帝承聖二年癸酉率兵侵新羅被殺

威德王昌聖王子以梁元帝承聖三年甲戌立在位四十五年薨

惠王季明成德王子嗣位二年薨

法王宣惠王子嗣位二年薨

武王璋法王子嗣位二十四年薨

義慈王武王太子嗣位後唐兵來伐拔都城王詣軍門降未幾宗室復福信等起兵迎立義慈之子豐爲王兵敗奔高句麗百濟亡

右百濟二十八王共七百五年

高麗

王氏

大祖神聖王建新羅松嶽郡人爲弓裔侍中以弓裔十八年丁丑爲諸將所立十八年乙未新羅來降丙申平甄氏在位二十六年薨改元一

天授

惠宗義恭王武太祖太子以甲辰嗣立在位二年薨定宗文明王堯太祖第二子以丙申嗣立在位四年薨

定宗二年始行後漢年號

光宗文成王昭太祖子以辛亥嗣立在位二十六年薨

光宗三年始行後周年號

光宗十四年始行宋年號

景宗獻和王佖光宗太子以宋太平興國元年丙子嗣立在位六年薨

成宗文懿王治太祖孫以宋太宗太平興國七年壬午嗣立在位十五年薨

成宗十二年始行契丹年號

穆宗宣讓王誦景宗太子以宋真宗咸平元年戊戌嗣立在位十二年西北面巡檢使廢王爲讓國公尋弑之

顯宗元文王詢太祖孫安宗郁之子初封大梁君以宋真宗
大中祥符三年庚戌爲康兆所立在位二十二年薨

顯宗五年復行宋年號

德宗敬康王欽顯宗太子以宋仁宗明道元年壬申嗣立在
位三年傳位于弟平壤君薨

靖宗容惠王亨德宗母弟以宋仁宗景祐二年乙亥嗣立在
位十二年薨

文宗仁孝王徽顯宗子初封樂浪君以宋仁宗慶歷七年丁
亥嗣立在位三十七年薨太子順宗卽位薨于喪次

宣宗思孝王運順宗母弟初封國原公以宋神宗元豐八年
乙丑嗣立在位十一年薨

獻宗恭殤王昱宣宗元子以宋哲宗紹聖二年乙亥嗣立尋禪位于叔父雞林公熙

肅宗明孝王顥初名熙以宋哲宗紹聖二年乙亥立在位十年薨

睿宗文孝王俱肅宗太子以宋徽宗崇寧五年丙戌嗣立在位十七年薨

仁宗恭孝王楷睿宗太子以癸卯嗣立在位二十四年薨

仁宗十三年妖僧妙清柳岳與西京分司侍郎趙匡等反據西京國號大爲王命同平章事金富軾等討平之
僞元

天開

月令集言卷一
二
毅宗莊孝王琬仁宗太子以宋高宗紹興十七年丁卯嗣立
在位二十四年爲武臣鄭仲夫等所廢遇弑

明宗光孝王皓毅宗母弟初封翼陽公以宋孝宗乾道七年
辛卯立在位二十七年爲將軍崔忠獻所廢薨于昌樂宮
神宗靖孝王昀明宗弟初封平梁公以宋寧宗慶元四年戊
午立在位七年傳位太子薨

熙宗成孝王誨神宗太子以宋寧宗開禧元年乙丑嗣立在
位五年爲崔宗獻所廢至高宗二十四年薨

康宗元孝王禩明宗故太子熙宗時封漢南公以宋寧宗嘉
定五年壬申立在位二年傳位太子薨

高宗安孝王㮮康宗太子以宋寧宗嘉定七年甲戌嗣立在

位四十六年薨

元宗順孝王植本名僎高宗太子以宋理宗景定元年庚申嗣立十年爲臣林衍所廢尋復位十五年薨

忠烈王諱改名昀元宗太子以宋少帝昀德祐元年乙亥嗣立二十四年元使王傳位世子封逸壽王尋復位三十四年薨

按高麗自元宗後服屬蒙古去廟號貶制度從其命也

忠宣王璋本名諒忠烈王世子以元武宗至大二年己酉嗣立
位在位五年傳位于次子江臨君燾稱爲上王

元流吐蕃後召還大都薨

忠肅王燾忠宣王次子以元仁宗延祐元年甲寅嗣立十七年元以世子貞爲國王稱上王後二年復位又八年薨

忠惠王貞忠肅王世子以元文宗至順二年辛未爲元所立
明年遜位後元順帝至元六年庚辰復嗣立在位四年爲元
流于揭陽道薨

忠穆王昕忠惠王元子以元順帝至正元年辛巳嗣立在位
四年薨

忠定王祗忠惠王庶子以元順帝至正五年乙酉立在位二
年元以江陵大君祺爲王王遜于江陵一年遇酖薨

恭愍王顥本名祺忠惠王母弟封江陵大君以元順帝至正
十二年壬辰立在位二十三年爲宦者崔萬生幸臣洪倫等
所弑

恭愍王十八年停元至正年號行明洪武年號

辛禍小字牟尼奴本嬖臣辛朧之子恭愍稱爲己子以明高
皇帝洪武八年乙卯立在位十四年謀寇遼東大臣李成桂
放之于江華立其子昌明年昌廢與禍同誅

辛禍元年始行北元宣光年號

恭讓王瑤神宗七代孫封定昌院君以明太祖洪武二十二
年己巳立在位四年禪位于門下侍中李成桂高麗亡

右高麗三十二王共四百七十五年

首唐末戊寅訖
明洪武壬申

今朝鮮 李氏

太祖康獻王旦本名成桂全州人仕高麗爲門下侍郎以明
太祖洪武二十五年壬申受禪三十一年戊寅傳位于世子
後薨

太宗恭定王芳遠太祖世子以明太祖洪武三十一年戊寅
嗣立成祖永樂十六年戊戌傳位于世子薨

莊憲王禔太宗世子以明成祖永樂十六年戊戌嗣立明代
宗景泰元年庚午薨

恭順王珣莊憲王子以明代宗景泰元年庚午嗣立三年薨
王宏曄恭順王子以明代宗景泰三年壬申嗣立七年丙子
遜位于其叔瑑

惠莊王瑑恭順王弟以明代宗景泰七年丙子立憲宗成化
四年戊子薨

襄悼王晁惠莊王次子以明憲宗成化四年戊子嗣立六年
庚寅薨

康靖王斐惠莊王孫故世子懷簡王暉之子以明憲宗成化六年庚寅嗣孝宗宏治七年甲寅薨

王懔康靖王世子以明孝宗宏治七年甲寅嗣立十六年癸巳遜位于弟懌

恭僖王懌康靖王子初封晉成君以明孝宗宏治十六年癸亥立世宗嘉靖二十四年乙巳薨

榮靖王崱恭僖王弟以明世宗嘉靖二十四年乙巳立明年薨

恭憲王岷榮靖王弟以明世宗嘉靖二十五年丙午立穆宗隆慶元年丁卯薨

昭敬王昖恭憲王從子以明穆宗隆慶元年丁卯立神宗萬

歷二十年壬辰倭人陷王京王出奔後以天兵外援得復國
在位四十年以萬歷三十六年戊申薨

王琿昭敬王次子嗣位初封光海君以明萬歷三十六年戊
申立熹宗天啟三年癸亥爲姪倬所弑

王倬昭敬王孫定遠君之子初封陵陽君以明熹宗天啟三
年癸亥弑其君琿自立

按朝鮮自漢唐以來世奉中朝正朔其改元者惟新羅
四王高麗太祖耳玉海載高麗延祥正豐二年號未知
何代然以其東方禮義之國傳次昭然可補史乘之闕
因備載之

渤海

大氏

高王大祚榮本靺鞨種其先附高句麗唐滅高氏祚榮收其遺衆盡得夫餘沃沮并韓朝鮮之地稱震國王以唐元宗開元七年己未卒

武王武藝高王子以唐元宗開元七年己未嗣立改元一

仁安

文王欽茂武王子以唐元宗開元二十六年戊寅立天寶末
年徙上京又徙東京以唐德宗貞元時卒改元一

大興

廢王亢義文王族弟立一歲國人殺之

成王華嶼文王孫爲國人所立復還上京卒改元一

中興

康王嵩隣成王少子改元一

正歷

定王元瑜康王子改元一

永德

僖王言義定王弟嗣立改元一

朱雀

簡王明忠僖王弟立一歲卒改元

太始

宣王仁秀簡王從父嗣立至唐文宗大和四年庚戌改元一

建興

王彝震宣王孫嗣立改元一

咸和

王處晃王彝震弟嗣立卒

王元錫嗣立卒

王誼謨嗣立以後唐明宗天成元年丙戌爲契丹太祖阿保機所滅

右渤海以唐武后時建國至後唐時亡

吐蕃

在吐谷渾西南唐初始見于中國王曰贊普論姓

可黎可足贊普立改元一

彝泰

新唐書長慶元年大理卿劉元鼎爲盟會使入吐蕃定明策署彝泰七年餘無可考

安定附

安定國王烏元明本馬韓遺種宋太祖時建國于西鄙稱王
入貢改元一

元興

于闐在沙州外

大寶于闐國王李聖天不知其傳次改元可考者一

同慶

五代史晉天福三年遣供奉官張匡鄴判官高居誨冊
聖天爲大寶于闐王行二歲至于闐其年號同慶二十
九年蓋中國之天福五年也

歷代建元考外編一

歷代建元考外編二

外國考

日本

天御中主

天材雲尊

天八重雲尊

天彌聞尊

天忍勝尊

瞻波尊

萬魂尊

利剎魂尊

國狹槌尊

角龔魂尊

汲津舟尊

面垂見尊

國常立尊

天鑑尊

天萬尊

珠名杵尊

伊裴諾尊

素菱爲尊

天照太神尊

正哉吾勝連目天押穗耳尊

天彥尊

天炎尊

彥瀲尊以上凡二十三世并都于筑紫日向宮

神武天皇彥瀲尊第四子以周僖王甲寅卽位自筑紫入居
太和州橿原宮

申叔舟海東諸國紀神武天皇名狹野以周幽王十一年生四十九年戊午入太倭州盡除中洲賊衆五十二年辛酉正月庚申始號天皇在位七十六年壽一百二十七歲

綏靖天皇神武天皇第三子在位三十三年

安寧天皇綏靖太子在位三十八年

懿德天皇安寧第三子在位三十四年

孝昭天皇懿德太子在位八十三年壽一百十

孝安天皇孝昭第二子在位一百有二年壽一百三十七歲

孝靈天皇孝安太子在位七十六年壽一百十五歲

七十二年壬午秦始皇遣徐福入海求仙福至紀伊州

居焉崇神中死而爲神

孝元天皇孝靈太子在位五十七年壽一百十七歲

開化天皇孝元第二子在位六十年壽一百十五歲

崇神天皇開化第二子在位六十八年壽一百二十歲

垂仁天皇崇神第三子在位九十九年壽一百四十歲

景行天皇垂仁第三子在位六十年壽一百有六歲

成務天皇景行第四子在位六十一年壽一百一十一歲

仲哀天皇景行孫在位九年

神功天皇開化天皇五世孫息長宿稱女仲哀納爲后仲哀
沒遂主國事在位六十九年壽一百歲

應神天皇仲哀第四子母神功在位四十一年壽一百有十
歲

仁德天皇應神第四子應神沒二年無主乃立在位八十七
年壽一百有十歲

履中天皇仁德太子在位六年

返正天皇仁德次子在位六年

允恭天皇仁德第三子在位四十三年

安康天皇允恭第二子初允恭立太子以性惡殺之立安康
安康立殺仁德之子大草香王而取其妻爲后其子眉輪王
弑之在位三年

雄略天皇名大泊瀨稚武允恭第四子在位二十三年壽一
百有四歲

清寧天皇雄略第三子在位五年

飯豐天皇清寧女弟卽位是冬沒國人以小楯迎顯宗立之
顯宗天皇履中孫在位三年

仁賢天皇名大腳顯宗同母兄先是飯豐沒讓位顯宗至是
立 在位十一年

武烈天皇仁賢太子在位八年

繼體天皇應仁五世孫立十六年始建年號在位二十五年

改元三

善化

正和

發口

安閒天皇繼體第二子繼體沒二年無主乃立仍用發口紀元在位二年

宣化天皇繼體第三子在位四年改元一

僧聽

欽明天皇一名天國排開廣庭天皇宣化長子以梁高祖大同八年壬戌立十一年始傳佛法于百濟在位三十二年改元八

同要

貴樂

結清

兄弟

藏和

師安

和僧

金光

敏達天皇

一作達海

欽明第二子在位十四年改元三

賢接

元年仍用金光年號五年乃改

鏡當

勝照

用明天皇欽明第四子以隋開皇中立仍用勝照紀年在位

二年

崇俊天皇欽明第五子在位五年改元一

端政

推古天皇欽明天皇孫女敏達納爲后至是立在位三十六

年改元六

從貴

頌轉

光元

定居

倭京

仁至

舒明天皇敏達孫名田村在位十三年改元三

聖德

僧要

命長

皇極天皇敏達曾孫女舒明納爲后以壬寅歲立仍用命長
紀年在位三年

孝德天皇以唐永徽元年庚戌立在位十年元年仍以命長
紀年旣而改元二

常邕

白雉

齊明天皇

吾妻鏡作天豐財
重日足姬天皇

卽皇極天皇復位仍用白雉紀

元在位七年改元一

白鳳

天智天皇舒明太子母皇極天皇在位十年仍用白鳳紀年
天武天皇舒明第二子名大海人天智欲禪位辭避吉野山
大友皇子謀篡將兵討之遂立在位十五年仍用白鳳紀年
後改元二

朱雀

朱鳥

持統天皇

吾妻鏡
作總持

天智第二女天武納爲后因主國事始更

號日本仍用朱鳥紀年在位十年後改元一

太和

文武天皇以唐長安元年立改元一

大寶

阿閉天皇文武天皇子

皈依天皇

聖武天皇以唐元宗開元中立後自稱太上皇傳位于太子

改元二

白龜

天平

孝謙天皇

宋史作孝明
今從東鑑

聖武天皇之女立爲太子以唐元宗

天寶六年丁亥立改元二

太平勝寶 太平寶字

天炊天皇

高野姬天皇聖武天皇女

白璧天皇

桓武天皇以唐德宗建中三年壬戌立改元一

延歷

諾樂天皇

嵯峨天皇

淳和天皇

光仁天皇

宋史作仁明
今據東鑑

以唐文宗大和四年甲戌立改元一

寶龜

文德天皇

清和天皇立改元二

元慶

天長

陽成天皇

光孝天皇以唐僖宗光啟元年乙巳立

仁和天皇

醍醐天皇立改元二

昌泰

延長

天慶天皇

封上天皇立改元一

康保

冷泉天皇以宋太祖開寶元年戊辰立後傳其子自稱太上

皇改元一

安和

守平天皇冷泉子以宋太宗雍熙初年立改元一

以上凡六十四世

永延

一條院天皇立改元一

長德

元年
丁未

元正天皇立改元一

養老

元年
丁卯

朱雀院天皇立改元三

天慶

長歷

承平

二條院天皇立改元

長寬

三條院天皇

後朱雀院天皇

後冷泉院天皇後朱雀院天皇太子立改元一

廣平

後一條院天皇立改元一

寬仁

堀河院天皇立改元一

康和

白河院天皇立改元一

承保

深草院天皇

鳥羽院天皇立改元二

元永

元年
戊戌

保安

元年
庚子

崇德院天皇立改元一

保延

長和

寬宏

延久

寬和

天喜

嘉承

久壽

永保

永久

永萬

大治

寬治

按日本皇御中主至守平天皇宋史所載其國裔然所記者世次最詳一條天皇而下先後莫考今但據其見于東鑑者書之長和以下十二號并未詳何主所改矣

仁平

應保

天元

永然

天歷

以上玉海所載按玉海又有天慶延歷永延文治寬宏永歷大寶諸號俱已見東鑑中

久安

治象

宋周密癸辛雜識嘉定乙亥楊和王墳菴中有日本僧定心藏日本度牒其年又有久安保安治象等號唯保安見東鑑餘二號未詳年代附見于此

高倉院天皇在位四十年以辛丑禪位于太子自稱太上皇建久三年崩改元七

永歷

正歷

承安

保元

平治

安元

治承

安德天皇言仁高倉院第一皇子以治承五年辛丑卽位癸卯新主踐阼文治三年丙午以平氏作亂沒于海改元二

養和

壽永

後鳥羽院天皇尊成高倉院第四皇子以壽永二年癸卯踐
阼建久九年乙卯脫屣稱上王至年乙亥崩改元三

元歷

文治

玉海或曰治樣

建久

上御門院天皇爲仁後鳥羽院第一皇子以建久九年乙卯
卽位承元四年庚午脫屣稱上皇至寬喜三年辛卯崩改元
五

正治

建仁

元久

建永

承元

順德院天皇守成後鳥羽院第四皇子正治二年立爲太子
以承元四年庚午卽位承久三年辛巳脫屣稱上皇癸未崩
改元三

建歷

建保

承久

後堀河院天皇高倉院第二子守貞親王御子以承久四年壬午卽位去前天照大神尊八十五代醍醐天皇二十四代改元八

貞應

元仁

嘉祿

安貞

寬喜

貞永

天福

文歷

四條院天皇後堀河院皇子以文歷二年乙未卽位改元四

嘉貞

歷日

仁一作

延應

仁治

後嵯峨院天皇邦仁上御門院第二皇子以仁治四年癸卯卽位寬元四年丙午脫屣文永九年崩改元一

寬元

後深草院天皇久仁後嵯峨院第一皇子寬元元年立爲太子四年丙午卽位正元元年脫屣稱上皇改元四

建長

康元

正嘉

正元

龜山院天皇恒仁後嵯峨院第三皇子正嘉二年立爲太子正元元年甲戌卽位文永十一年脫屣改元三

文應

宏長

文永

建治

以下未詳
何主所改

正應

延慶

宏安

正安

嘉元

應長

正和

元德

元宏

嘉歷

以上東鑑所載自高倉院治承四年庚子訖文永三年丙寅凡九十四年世次可考其自文永以後可見者唯

數號而已又其書所紀多關東閣將軍之事不詳本國
未知當中原何代然壽永二年癸卯今大宋國陳和卿
鑄佛其中又云聖武天皇至安德天皇時四百餘歲考
聖武當唐開元中立以意推之蓋中朝南渡以後也

續考

乙丑日本國改元永鎮

明孝宗宏治十八年

正德七年壬申日本入貢武進陳瑞甫爲南京禮部司
務時值宴勞來使問其國號乃是永鎮八年

癸酉日本國改元天正

明神宗萬曆元年

壬辰日本國改元文祿

萬曆二十年

乙未日本國改元慶長

見東鑑序

壬戌日本國改元寬永

見東鑑序

紅夷

紅夷在東南海外不知其傳次明熹宗天啟五年三月入犯
浙江沿海敗去其改元可考者一

寬和

歷代建元考外編二

歷代建元考外編三

外國考

大理

蒙氏

高祖細奴羅其先世爲渠帥以唐太宗貞觀三年己丑伐昆彌張氏有國國號南詔唐授魏州刺史卒

世祖羅晟細奴羅子以唐高宗上元元年甲戌嗣立至睿宗末卒

威成王晟羅皮羅晟子以唐元宗先天元年壬子嗣立至開元中卒

雲南王皮羅閣晟羅皮子以唐元宗開元十六年戊辰嗣立唐封爲雲南王賜名歸義始合五詔爲一盡有雲南之地

神武王閣羅鳳皮羅閣子以唐元宗天寶八年己丑嗣立始叛唐改國號曰大蒙吐蕃封爲東帝改元二

贊普鍾

長壽

舊唐書閣羅鳳臣吐蕃吐蕃令閣羅鳳爲贊普鍾號曰東帝結以金印蠻謂帝爲鍾楊慎滇載記以爲改元贊普鍾豈卽吐蕃之僞稱以爲紀年之號邪俟博雅者詳焉

孝恒王異牟尋閣羅鳳之子以唐代宗大歷十四年己未嗣立改國號曰大理自稱曰東王僭封五嶽四瀆改元二

見龍

上元

孝文王尋閣勸異牟尋子以唐德宗貞元十五年己卯嗣立

順帝永貞元年乙酉卒改元一

應道

幽王勸龍晟尋閣勸子以唐順宗永貞元年乙酉嗣立爲其臣嵯巔所殺改元一

龍興

靖王勸利晟勸龍晟弟以唐憲宗元和元年丙戌爲嵯巔所立卒改元一

全義

昭成王晟豐祐勸利晟子以唐穆宗長慶四年甲辰嗣立以武宗會昌末年卒改元二

保和

天啟

景莊帝世隆晟豐祐子始自稱皇帝改號大理國寇唐安南
西川後寇越雋卒于景淨寺改元二

建極

一作建樞

法堯

見正閏考

宣武帝隆舜一名法世隆子以唐僖宗乾符四年丁酉嗣立
爲豎臣楊登所弑改元二

貞明承智大同

見通鑑撰載記但曰貞明

嵯耶

孝哀帝舜化真隆舜子以唐昭宗乾寧四年丁巳立光化四
年爲其臣鄭買嗣所篡蒙氏遂亡改元一

中興

右大理蒙氏十三世二百五十年

長和鄭氏

德桓帝買嗣本唐鄭回之後世爲其國清平官以唐昭宗光化五年壬戌立改國號曰大長和卒改元一

安國

肅文帝閔買嗣子以梁開平中嗣立卒改元五

始元

天瑞景星

安和

貞祐

初歷

孝治

見正
閏考

隆亶閔之子旻卒嗣立未幾爲其臣東川節度使楊干真所殺鄭氏遂亡隆亶改元一

天應

右長和鄭氏三世二十六年

大天興

趙善政其國清平官以後唐明宗天成三年戊子爲楊干真所立改國號曰大天興僅十月復爲楊干真所奪改元一

興源

大義寧

楊干真旣立改國號曰大義寧二年爲通海節度使段思平所討走死改元二

尊聖

大明

見正
閏考

後大理

段氏

太祖思平其先武威郡人始祖儉魏佐蒙氏爲清平官六傳至思平官通海節度使以後晉天福二年丁酉討楊氏得國改國號曰大理改元二

文德

神武

見正
閏考

思英太祖子嗣立未幾卒私謚文經武略皇帝
思良思英叔以後晉開運三年丙午立改元一

致治

思聰以後周廣順三年癸丑立改元三

明德

廣德

聖德

一作
興聖

應道帝素順以宋太祖建隆四年癸亥立在位二十一年卒
改元一

明正

昭明帝素英以宋太宗雍熙二年乙酉立在位二十四年卒
改元五

廣明

明應

明聖

明德

明治

玉海作明統

敬明帝素廉以宋真宗大中祥符二年己酉立在位九年改元二

明啟

乾興

秉義帝素隆以宋真宗天禧二年戊午立在位九年避位爲僧卒改元一

明通天聖

聖德帝素貞以宋仁宗天聖四年丙寅立在位十五年卒改元一

正治

素興以宋仁宗慶歷元年辛巳立以無道爲國人所廢改元二

聖明

天明

世宗思廉以宋仁宗慶歷四年甲申爲國人所立，在位三十一年，改元三。

保安

政安

政德

連義以宋神宗熙寧八年乙卯立爲其臣楊義貞所弑，改元二。

上德

廣安

楊義貞篡立四年，段氏臣岳侯高智昇遣子昇泰起東方兵討滅之，復立段氏。

壽光連義從子爲高智昇所立，在位二年，改元一。

上明

正明世宗思廉庶孫以宋仁宗元豐五年壬戌立，避位爲僧。

國人遂奉善闡侯高昇泰爲主段氏中絕正明改元三

保立

建安

天祐

大中國主高昇泰以宋哲宗元符二年己卯爲國人所立改國號曰大中臨歿戒其子太明復奉段氏太明遂求段氏餘子正淳立之而世相其國昇泰改元一

上治

中宗正淳段氏宗室爲高太明所立是爲後理國在位三十年傳位于子避位爲僧卒改元三

天授

開明

文安

憲宗正嚴以宋徽宗大觀三年己丑嗣立在位四十年避位爲僧卒改元四

日新

永嘉

保天

廣運

景宗正興以宋高宗紹興十七年丁卯嗣立後避位爲僧卒
改元四

永貞

大寶

龍興

盛明

一作建德

宋王應麟玉海又有崇興大保蓋龍興大寶之譌也今
正之

宣宗智興以宋孝宗乾道九年癸巳嗣立在位二十七年卒
改元五

利貞

盛德

嘉會

元亨

安定

亨大帝智連以宋寧宗慶元六年庚申立立位三年卒改

元一

鳳歷

神宗智祥智連弟以宋寧宗開禧元年乙丑嗣立在位三十三年卒改元一

天開仁壽

孝義帝祥興以宋理宗嘉熙三年己亥嗣立在位十二年卒改元一

道隆

興智以宋理宗淳祐十一年辛亥立壬子歲元憲宗遣其弟忽必烈來伐其臣高太祥拒戰死興智被俘段氏亡後元以興智爲總管傳十二世訖元亡乃絕興智改元一

天定

右大理段氏二十二主三百一十五年起丁酉盡壬子

自杞

自杞國本西南蠻在廣西邕州化外北與大理接宋淳熙三

年其王阿謝立改元一

見宋知邕州吳徽劄子

乾貞

歷代建元考外編三

歷代建元考外編四

外國考

交趾丁氏

按交趾本中國地唐曰安南都護府五代時服屬南漢至丁部領始自建國

大勝王丁部領以謹州刺史討平管內之亂因自立爲大勝王傳位于其子璉卒

交趾郡王璉部領子南漢授節度使宋初內附爲交趾郡王卒交趾郡王璉璉幼弟嗣立未幾爲大校黎桓所篡

右交趾丁氏三世十三年

交趾黎氏

南越王桓本丁氏大校以宋太平興國初得國封交趾郡王
進封南平以真宗咸平九年卒子龍廷弒兄龍鉞自立
交趾郡王至忠本名龍廷以宋真宗咸平九年丙午自立至
大中祥符三年庚戌爲其將李公蘊所篡

右交趾黎氏二世三十二年

始宋太平興國元年
說大中祥符三年

按丁氏黎氏前史並云建國改元今無可考但以其安
南建國所由始因備載之

安南

李氏

太祖公蘊本黎氏大校以宋真宗大中祥符三年庚戌得國
立十九年戊辰卒孫日尊私謚爲神武皇帝

王德政公蘊子以宋仁宗天聖六年戊辰嗣立在位二十七

年乙未卒

王日尊德政子以宋仁宗至和二年乙未嗣立建國號曰大越自稱法天應運崇仁至道慶成龍祥英武睿文尊德聖神武皇帝凡十七年卒改元二

寶象

神武

按玉海又載有天貺寶象一號愚謂日尊旣號寶象必不更益二字以紀年或前史省文刪去天貺二字則未可知也

王乾德日尊子以宋神宗熙寧五年壬子嗣立在位五十六年壬子卒改元一

彰聖嘉慶

王陽煥乾德子以高宗紹興二年王子嗣立在位六年戊午卒

王天祚陽煥子以宋高宗紹興八年戊午嗣立在位三十七年卒宋孝宗淳熙元年進封天祚爲安南國王自是安南始以名國

按交趾其王初立封交趾郡王進封南平卒贈南越王至是天祚立竟封安南國王遂爲故事

王龍翰天祚子以宋孝宗淳熙三年丙申嗣立在位三十五年王申卒

王昊昂龍翰子以宋寧宗嘉定五年壬申嗣立後卒無子以女昭聖主國事紹定二年避位于夫陳日嬰李氏遂絕

右安南李氏八世共二百二十餘年

始宋大中祥符三年訖宋紹定二年

安南

陳氏

太王日昃其國黑多鄉人或云姓謝福建長樂人尙李氏女以宋理宗紹定二年得國宋封安南國王王自稱大越皇帝元兵來伐戊子傳位于子光昺宋封爲太王卒

聖王光昺一名威晃日昃子宋封爲安南國王元因而封之在位二十年卒改元一

紹隆

仁王日烜光昺子以丁丑嗣位自稱憲天體道大明光孝皇帝傳位于子日燁自稱太上皇後爲僧卒

英王日燁烜子嗣位後元兵兩伐之不克而退卒改元一

紹寶

安南國忠懿王益稷本國封昭國王元兵南伐歸附俾以王爵居鄂州

明王日養日燂子嗣位後禪其子日燬

憲王日燬日養庶長子嗣位後明王立其弟祿星

裕王日燬一名祿星日燬嫡弟嗣位明封安南國王卒以恭肅王之子嗣是爲昏德公

昏德公日燬裕王兄子嗣位無道爲明王第三子太師叔明所廢幽殺之叔明攝位

按黎澄南翁夢錄裕王薨其兄恭肅之子立是爲昏德公爲藝王所廢而實錄及安南傳俱云日燬卒子日燂

嗣立日煇卒日燿嗣立日燿卒弟日燧嗣爲其兄叔明所殺與所紀不同蓋安南別立僞名以通中國或傳聞之訛而黎氏世仕其國當不謬也澄卽僞大虞上皇子封衛國大王入明仕至工部尙書

藝王叔明明王第三子立期年遜位其弟日端至順王七年甲戌卒時中朝洪武二十七年

睿王日端日燧弟爲叔明所立三年伐占城卒叔明復立其子日煇

靈德公日煇一名睨嗣立後無道爲叔明所廢

順王日焜一名顓叔明小子嗣立爲黎季犛所弑

王曉順王子黎季犛立之旋被弑復立其幼子炎尋又弑之

而自立陳氏遂亡日曉改元一

光泰

右安南王陳氏凡十二世一百七十年

始宋紹定二年訖明建文元年

黎季犛以明洪武末篡陳氏易姓名胡一元自謂舜裔稱大虞太上皇以位授其子蒼改名奎僭稱皇帝中朝建文元年立奎爲安南國王永樂五年明兵南討俱俘于京師凡改元四

天聖

聖元

紹成

一作紹聖

開大

三號俱見討安南檄

簡定陳氏故臣以明永樂六年舉兵作亂稱日南王僞稱陳氏裔尋立從子季擴爲大越皇帝自爲上皇明兵討擒之定改元一

興慶

陳季擴簡定從子稱大越皇帝永樂十二年明兵俘以歸誅之季擴改元一

重光

續文獻通考作慶元非

安南

黎氏

太祖利本清化土官以明成祖永樂十六年戊戌起兵稱平定王明宣宗宣德二年據有安南六年辛亥冊爲權署國事八年癸丑卒私諡高皇帝改元一

順天

太宗麟一名龍以甲寅嗣立英宗正統中卒私諡文皇帝改元二

紹平

大寶

仁宗濬一名隆基麟之子以正統中嗣立天順三年己卯爲庶兄琮所弑改元一

太和

厲德侯琮濬庶兄一名宜民弑濬自立其臣黎壽域等起兵殺之改元一

天興

聖宗灝一名思誠濬之弟天順中爲國人所立孝宗宏治十年丁巳卒私諡淳皇帝改元一

光順

憲宗暉一名鎰灝之子以丁巳嗣立甲子卒改元一

景統

肅宗澤一名敬暉之子立未踰年而卒改元一

泰貞

厲愍王誼一名璿敬之弟以宏治末嗣位四年爲其臣阮种等所弑後諡立追諡爲威穆帝改元一

端慶

靈隱王暲一名湮灝之孫錦江王瑤之子嗣立追諡父爲德宗建皇帝以正德丙子爲陳暘所弑後應立更諡爲襄翼帝改元一

洪順

陳暘一名立孫爲其國諒山都將與子暘昇攻陷安南弑主

自立國人討之退據諒山死改元一

天應

按王氏安南志暕爲鄭綏鄭惟鎰所弑續通考則以爲陳暲然莫登庸赴于中朝曰前國王黎暕爲陳暲所害鄭氏旣奉黎寧與莫氏爲難登庸不應反爲之諱今正之

諱一名椅暕兄之子嗣封它陽王爲國人所立諡其父爲哲宗明皇帝後莫登庸作亂奔清華以嘉靖九年庚寅卒于老撾改元一

光紹

于文定筆塵作光照以爲黎寧所改今從續文獻通考及王氏安南志

憲諱之弟諱奔清華以明世宗嘉靖元年壬午爲莫登庸所

立尋被酖卒僞諡恭皇帝改元一

統元

寧諲之子諲卒國人奉之爲世孫嘉靖十三年甲午故臣萬勝侯鄭惟嶸等共立之居清化府之木州漆馬江改元一

元和

按黎氏之後朝廷令居漆馬江禁莫氏不得侵害後寧卒舊臣鄭簡立其子寵于西都寵無嗣復立暉四世孫維邦傳次子維潭起兵攻殺莫茂洽復有安南神宗萬歷二十四年丙申詔以爲都統使自後維潭卒子維新立維新卒子維祺立其赴于中朝曰安南都統使寔帝其國中自若也

安南 莫氏

莫登庸安南之荆門人仕黎氏累官太傅仁國公進封興安王遂弒慮自立爲大越皇帝三年自稱太上皇明兵討之降爲安南都統使卒改元一

大正

按登庸以世宗嘉靖二十年辛丑降授都統使時方瀛己先卒傳其孫福海法翼茂洽三世茂洽復爲黎維潭所殺朝廷令莫敬用居高平如黎氏漆馬江故事迄今尙存

附錄

蜀記

萬通

叢帝

愚按改元始于漢武叢帝開蜀寔在洪荒之初烏得遽有年號蓋蜀記之誕也

道經

延康

赤明

龍漢

開皇

上皇

無極

永壽

雜記俳諧文

清寧

集異記

大亥

大美

雜記

歷代罷廢之號

神爵

宋孝武

文明

梁簡文

元慶

唐德宗

天元

唐德宗

通乾

唐高宗以反語不善停

平成

宋神宗

豐亨

宋神宗

美成

宋神宗

炎興

宋高宗

純熙

宋孝宗

明德

宋元懿太子

乾淳

宋理宗

開興

宋理宗

至平

宋理宗

執中清國

宋徽宗

慶祐

宋欽宗

歷代建元考外編四終



